



關里誌

ル 5
1581
40



阿儿 05
號 1581
卷 2

門 1381
卷 4

關里誌卷之十二

恩典誌

叙曰嘗謂盛德必祀百代不絕自古聖賢孰有
吾夫子食報于萬世者豈不以開蒙覺夜功在
萬世乎故凡受其賜者無論褒衣博帶之士自
効一瓣于賢官卽秉錄握符之主恒飛十行于
關里爲之優其賜予而支庶通金門之籍復其
租庸而子姓超版圖之外他若泮宮有田筦庫
有司祭享有伯羽籥有師卒史供埽拚之役而
祠宇常潔嗇夫終猷畝之功而丞嘗不置特恩



異數焜耀竹帛二代之封固難埒其尊崇三恪
之胤亦遠遜其優渥矣是雖累朝相沿之舊至
明始綦隆大備超軼往牒偉哉煥乎萬世不刊
之鴻規在焉

君恩祖澤烏可泯而無述也作恩典誌

恩例

漢章帝元和二年幸闕里大會孔氏男子六十三
人賜以衣巾又賜孔氏男女錢帛孔氏衣巾
自此始也

安帝延光三年迴魯祀孔子孔氏族屬恭以衣巾

唐太宗貞觀十一年命褒聖侯家祭服玄冕朝位

同三品

玄宗二十七年詔文宣公位於文官二品之下

肅宗上元二年詔凡大祀其褒聖公朝位在文官

二品之下

宋真宗咸平初卽位召見孔延世賜以祭器經書金帛遣之

景德三年資政殿大學士王欽若奏令諸道州府軍監文宣王廟摧毀處量破倉庫頭子錢修葺仍令曉示今後不得占射充磨勘司推勘院及不得令使臣官員等在廟內居住

祥符元年駕至曲阜謁廟詔文宣公伯叔兄弟子侄着衣帟陪位又賜孔延渥等五人同學究出身又宣賜孔氏銀三百兩帟三百疋俵賜諸房

天禧二年賜文宣公家祭冕服又賜行宮材修葺廟宇又勅兗州差兵士四十人員寮一人於本廟巡宿守護官物仍委轉運司於轄下有衣甲軍器處約度支與本廟

仁宗嘉祐六年賜飛帟書殿榜并金字篆廟碑差劉溫良等押送初寫碑時上巾櫛而書其尊師重道如此

哲宗元祐元年勅白身台龔封人與除承奉郎專以主先聖祠事爲職添支給給隨本次資次每三年理爲一任用本路及按察官薦舉依吏

部格關陞資任如朝廷非次擢用許依舊帶
管公爵出令以次合襲封人權主祀事每遇
親祠大禮冬正朝會許赴闕陪位
本年准孔宗翰奏襲封之人不許兼領他官使終
身在鄉里專主祀事

徽宗政和四年命後苑作製造御前生活所造牌

御書大成殿頒降本廟從四十七代孫文林
郎舒州司戶曹事若

谷之譜也

金章宗明昌七年行郊禮召元拱赴闕侍祠位在
終獻之次

大定間召孔搃赴闕欲留隨朝任用力以祀事歸
歸特恩授兼曲阜縣令按衍聖公兼縣令自
此始

元成宗大德四年翰林國史院准翰林學士閻中
奉牒竊惟先聖文宣王之後自漢以來襲封
公侯之爵俱有食邑歷代相仍至唐宋金視
舊有加各依品秩頒支俸給國朝有天下累
聖崇奉至元三十一年今上皇帝卽位首授
五十三代孫密州知州孔治中議大夫襲封
衍聖公爵一品散官四品合得俸祿未蒙給
賜古者任官然後爵之位定然後祿之上自

一品下至司縣小吏俱有俸給况朝廷崇聖
人之後既已頒降宣命獨領虛名未沾實祿
豈稱爵祿相須之義照得前代襲封各兼他
職視其兼職以爲俸廩之差今既無兼職合
視散官品秩照依隨朝正四品例每月幫支
俸鈔俾之有爵有祿以奉祭祀益見明時尊
崇聖道之意送戶部照擬得孔治乃先聖之
後欽受宣命中議大夫襲封衍聖公行使正
四品印信既是有爵例應有祿如准翰林國
史院所舉此依太史院同知俸例月支中統

鈔二錠於濟寧路就便支給本部照得我朝
自定官制以來無封爵食邑之例內外百官
止請所受官職之俸參詳國制遵依前代盛
典既封孔治爲衍聖公授以四品散官及四
品印信擬合比照隨朝四品官例給俸實爲
應得咨襲封府依上關支施行

仁宗延祐三年歲丙辰九月十九日戊午中書委
官安宣使劉振民乘傳頒降衍聖公銅印一
祿四品同在朝專主奉祀

英宗至治二年詔有司卹孔氏子孫貧乏者

泰定三年山東廉訪副使王鵬南言襲封上公而
秩四品於格弗稱明年陞嘉議大夫詔給三
品印

順帝至正八年進衍聖公克堅中奉大夫秩二品
改授二品銀章

明洪武元年衍聖公希學首朝南京

太祖高皇帝賜以錦綵六端命回守祖庭未幾受
封特命班亞上相降給二品銀印

本年八月十一日

詔孔氏子孫襲封衍聖公并世襲知縣衣巾照前

代舊制悉從衍聖公保舉堪用人數除授

二年正月賜襲封衍聖公屬官三員管勾典

籍司樂掌書一名書寫一名知印一名奏差

一名尼山洙泗二處書院山長各一員

正德二年衍聖公聞詔奏改學錄職銜

又設四氏教授一員學錄一員學司一名

三年五月初四日左丞相宣國公等官於正

宮門西耳房欽奉

聖旨孔祭酒在前曾說多有同姓的指着先聖宗
派都來曲阜四散居住中間多有不知禮義

相聚日久恐相連累今後除襲封這一宗派
休教他當差其餘不係聖派子孫分揀出來
與百姓一體當差欽此

十一年希學入

賀萬壽勅中書下禮部用心禮待又勅下禮部潔
所在以安之是歲希學卒遣行人賜祭遂著
爲例

十七年入觀

太祖顧謂廷臣曰孔訥真聖人子孫也館之太學
拜封之日受誥

大庭百寮班列仍

命禮官以教坊樂導引送之

太學師生二千餘人迎於成賢街而入觀者
莫不贊羨明日入謝復

賜襲衣宴於禮部誥詞吏部奏用資善階

上諭曰旣爵公勿事散官但誥以識文王軸爲異
耳遂爲故事每歲入觀得給符乘傳班序文
臣首厚其廩餼下及隨從皆異數也

洪熙元年

賜衍聖公彥縉居第於東安門北

本年

上幸太學特詔率三氏子孫觀禮陛見後遣內侍
金英傳 旨衍聖公來朝與正一品衣服一
套鈔二千貫其下程膳部行順天府用手本
呈送羊一隻鵝二隻酒二十瓶麵四十斤鹽
茶醬油各二斤白蠟燭十枝自後永依此例
六年衍聖公弘緒時八歲以襲爵謝 恩延
入內宮蒙
景皇帝賜玉帶二束正一品衣服一套金鈕麒麟
圖書一顆

衍聖公謹禮崇德四字亦異數也

天順元年

英崇復祚念衍聖公賜第湫隘以大第易之卽今
太僕寺街西頭南向廣百有餘楹嘉靖戊午
年重修萬曆壬辰衍聖公移咨工部本部題
請重修遣主事沈敬介督工天啓伍年咨部以正
廳滲漏重修

萬曆七年

御劄朕昨御門聽政文武百官原爲承旨奏事衍
聖公孔尚賢不在文武職官之列朕以賓禮
待之今後不必常朝只以

萬壽入賀事畢辭回永為定例

二十二年衍聖公尚賢奏應襲長子胤椿比
照勲衛具題奉

神宗皇帝聖旨准照例欽依冠服麟袍犀帶此特
典也

崇禎十六年五月二十七日

太子太傅襲封衍聖公孔胤植為先賢仲由嫡
裔世廩仲于陞比例先儒程朱周三子具疏
恩世襲翰林院五經博士奉

聖旨仲于陞着世襲五經博士又於我

朝順治元年十二月衍聖公行咨吏部隨經吏部
請仲于陞炤襲前職

給田

北魏賜田以養孔氏子孫

宋真宗大中祥符元年賜田百頃

哲宗元祐元年賜田一百大頃至八年三月奉
勅將舊賜田一百頃均給族人新賜田一百
頃撥二十頃廟學贍生員二十頃元歲時祭
祀十頃置殿庭簾幙其五十頃歲收出糶修
葺祠宇

本年又添賜田一百頃使其家依鄉原例自召
人耕種更不用職田制撮之法

高宗紹興八年詔衢州於係官田內撥五頃賜
衍聖公孔玠主奉祀事

金天會八年仙源縣主簿孔若鑑奏免賜田稅課
明昌元年本廟言舊賜田二百大頃因值兵革
除見在外四十八大頃八十六畝不知下落
已申上司後承戶部符於豐縣區村張村新
村潘村李村慕義六處貼撥足數計准今時
官畝一百二十三頃二畝一分五釐七毫
五年續給地六十餘頃房屋四百間
泰和元年再撥廟東南地六十四畝一分一釐

助釋奠費

元成宗大德五年修廟成衍聖公治遣其子曲阜
令思誠請碑遂留爲國子監丞勅中書賜尙
珍署田五十頃

明洪武元年

欽賜孔廟祭田五屯地共計二千大頃原開荒七
百二十步成畝撥給佃戶承種收打籽粒以
充本府祭祀正項支用外四氏學教官俸祿
生員科貢盤費及屬官子粒各役工食盡在
屯糧內支用餘銀聖公府自行支銷

計開

鍾野屯

平陽屯

東阿屯

洪武二年欽賜祭田原案年久濕浥腐爛無存

至

洪武七年二月二十二日禮部劉尚書張員外

郎等官於

奉天門東板房奏奉

聖旨恁寫出漢唐宋待孔氏子孫典故來我就定

奪將去當月二十四日本部劉尚書張員外

郎等官於

武英殿將漢唐宋待孔氏子孫典故奏准

皇清

順治元年十二月十五日衍聖公孔胤植赴

闕朝

賀本月二十二日

賜衍聖公宴設席於禮部脩辦上卓品物

命禮部左侍郎孫之獬待宴復

欽賜天字號下程一分羊一隻鷺二隻麥麩四十

斤酒二十瓶油鹽醬醋各二斤白蠟燭三十枝

順治二年正月十五日

欽頒衍聖公三臺銀印一顆

順治二年二月初六日衍聖公孔胤植具奏
陛辭回里奉祀奉

聖旨覽卿奏陛辭回里准照舊例行禮部知道
兵部給勘合一道馳驛旋里

順治二年五月十二日

欽頒衍聖公專勅一道鈐東族屬員役

順治三年正月內衍聖公孔胤植赴京慶賀

萬壽聖節二月內

賜衍聖公宴設席於禮部備辦上卓品物
命禮部侍郎孫之獬待宴復

欽賜天字號下程一分羊一隻鷺二隻麥麵四十

斤酒二十瓶油塩醬醋各二斤白蠟燭三十枝

順治七年六月內衍聖公孔興燮服闋赴

闕謝

恩本月內

賜衍聖公宴設席於禮部備辦上卓品物

命禮部尚書李若琳待宴復

欽賜天字號下程一分羊一隻鷺二隻麥麵四十

斤酒二十瓶油塩醬醋各二斤白蠟燭三十枝

順治八年正月內衍聖公孔興燮慶賀

萬壽聖節二月內

賜衍聖公晏設席於禮部備辦上卓品物

命禮部尚書李若琳待晏復

欽賜天字號下程一分羊一隻鶩二隻麥麵四十斤酒二十瓶油塩醬醋各二斤白蠟燭二十枝

順治八年八月內遣行人王天眷

欽取衍聖公孔頴魯孟仲五博士及老成族人孔尚燃等十五人陪祀

聖駕幸學九月內進京十月內

賜衍聖公五博士及族人蒲州晏設席於禮部

命禮部尚書陳之麟待晏准暫回里俟擇有吉期行取到京陪祀

聖駕幸學本月二十五日復

賜衍聖公天字號下程一分羊一隻鶩二隻麥麵四十斤酒二十瓶油塩醬醋各二斤白蠟燭三十枝

順治九年正月內衍聖公孔興燮赴京慶賀

萬壽聖節二月內

賜衍聖公晏設席於禮部備辦上卓品物

命禮部尚書陳之麟待晏復

欽賜天字號下程一分羊一隻鷺二隻麥麵四十斤酒二十瓶油鹽醬醋各二斤白蠟燭三十枝

欽依聖旨內一款凡歷代撥賜贍廟贍學田土議得上頃田土既稱歲久荒閑宜從山東省行移襲封衍聖公從常設法募佃開墾相應撥給佃戶承種收打籽粒以充本廟祭祀等項支費欽此

永樂五年二月二十六日 撥賜贍田四段袁

家庄一段計地伍拾大頃坐落兗州西卽今滋陽縣杏林庄一段計地貳拾大頃坐落在城縣東北卽今濟寧州顏村店一段計地二大頃故縣村一段計地壹大頃俱坐落滋陽

縣西俱有四至碑記

正統四年八月二十日戶部劉尚書等官

奏奉

聖旨准存佃戶金戶五百戶共湊人二千丁見丁

百畝初係開荒田土俱照舊例以七百二十

步作為一畝准定佃戶專一耕種辦納籽粒

以供本廟祭祀等項支用其民間一應雜泛

差役俱行蠲免舊案存照

學田

元至正三十一年撥到學田數目

曲阜縣地共計九大頃五十畝小薛村西一段四畝

馬村地一段九十畝一大庵一段二十畝一

魯原村北地二大頃一春亭村西南泗河灣

內地一段一頃一泗濱村南山岡由嶺一段

五大頃

沛縣秦家庄地一段二十大頃以上地碑文俱有四至

沛縣刁陽里三氏學田三千畝載思悔墓表

明仍元之舊將刁陽里秦家庄田賜為三氏學

田刁陽里今各昭陽湖在沛縣城北秦家庄今各三界灣界于徐州沛縣滕縣之間

元統元年江西僉事任忞古台以墨坐沒入鄆

城縣私田八頃九十畝屋二十七間奉旨付
孔氏子孫為業

至順間衍聖公思晦言於部命鄒縣長沐陽
令同往尼山覆復學田一百五十畝歲入粟
四十八石

明續墾尼山周圍田二十餘頃以贍負生
萬曆中御史吳達可究守陳良材增置學田共
五頃

免役

漢

永壽二年魯相韓勅碑文聖母顏氏聖配拜官

氏念聖族之親禮所宜異復其邑中繇發按

時以夫子外親尚免其差役則孔氏子孫從來無差法蓋可知矣

唐

太宗貞觀元年詔孔氏子孫並免賦役

高宗乾封元年勅褒聖侯德倫既承胤嗣有異
常流其子孫並免賦役

玄宗開元十三年駕幸闕里詔孔氏子孫並免
賦役

宋

太宗太平興國二年詔曲阜縣文宣王家歷代

開元志

卷之二十一

十一

以聖人之後不與庸調周顯德中遣使均田

抑同編戶今可特免

按五季亂世君不君臣不臣則孔氏之抑同編戶何惟也至有宋文明明之世自復漢唐之舊矣

金 熙宗皇統二年勅免孔氏子孫賦役

章宗明昌元年勅免孔氏子孫賦役

元 太宗九年詔奉上絲編顏色稅石軍役大小差發並行蠲免

成宗大德二年復免孔氏子孫合納稅粟三十石四斗二升

明洪武元年十二月十九日戶部崔尚書實待

郎同朱學士濮指揮周指揮陸鎮撫等官於

謹身殿西廊下奉

太祖高皇帝聖旨孔氏子孫皆免差發稅糧有司依例科徵欽此

洪武七年二月二十二日禮部劉尚書等官於奉

天門奉

聖旨恁寫出漢唐宋待孔氏子孫典故來我就定奪將去欽此隨將漢唐宋待孔氏子孫典故奏進奉

聖旨衍聖公與免本戶稅糧三十頃餘田起科族

人田土依舊納糧免差

成化元年據五十六代孫克昫奏奉

憲宗純皇帝聖旨孔氏名下續買民間徵糧地一百一十六頃五十六畝四分蠲免稅糧三分之二

弘治十八年族長希瑾等連名狀告漢唐宋以來迄於金元孔氏子孫並免差稅

明崇重尤盛今有續買民地二百五十三頃一十二畝三分七釐八毫三絲不免站銀告蒙

欽差提督學校山東按察司副使陳鐘批聖門古

今通算稅糧差發俱蒙優免何獨站錢該科

徵乎仰兗州府除豁繳申蒙兩院案驗量將合入站地畝編入各府州縣庶不獨累曲阜

正德二年衍聖公聞韶奏稱臣叨世嫡獨享貴榮而一般宗族貧難者多切慮木本水源連枝同派臣祖視之均是子孫臣專主祭田止供祀事別無俸祿可以贍給同氣與言及此竊不自安乞免成化年間所徵稅糧三分之一二等因奉

武宗毅皇帝聖旨孔氏稅糧盡行蠲免以示朕崇

重先師之意

屬官

元初衍聖公府止設掌書一人延祐開始添設管
勾典籍司樂各一員祿視國子監且給管勾
印掌書祿視監寺從衍聖公恩晦之請也
明洪武元年十二月十九日禮部議設官員人
數奏

准額設官屬人等宜從嚴封衍聖公舉保堪用
人數具呈都省以憑銓用

管勾一員
司樂一員
典籍一員
書寫一名
掌書一名
知印一名
奏差一名

前件本部傅侍郎張郎中同陳修撰李起居

注單起居注安給事中安殿中侍御史宿衛
等官於

奉天門奏奉

聖旨准擬欽此

樂舞生

一百二十八名

洪武七年十一月十一日奉禮部咨填

內府湯字三十二號勘合爲釋奠事內開宣聖
廟四時祭祀合用樂舞生於府州縣儒學生
員內遴選或於民間俊秀子弟內選用備行
准取到濟寧曲阜等州縣樂舞生張濤等一
百二十餘名內將二十名起送太常寺協律
郎處習演樂舞蒙

欽賜寶鈔還回常川在廟應克前役俱照廩膳生
員事例除本身優免外供給人二丁

成化十二年間該國監祭酒周洪謨奏奉

聖旨准增添樂舞生李整等八十名通行天下諸司衙門知道欽此欽遵

弘治九年間又該太常寺卿崔志端奏奉

聖旨是准令添樂舞生二十六名俱照前例優免欽此欽遵

禮生

洪武七年奉例止許於曲阜縣十六社內選用隨選到禮生陳慶等六十名應役其優免供丁事例俱同樂舞生至嘉靖三十年間奎文閣典籍錢汝芝具奏申明舊規其間名缺者選補足數載在文廟碑記可考

崇禎二年衍聖公胤植行曲阜縣添設禮生四十名免其火夫雜差專一司陳設

廟戶

魯哀公十七年立廟於舊宅置守塋廟百戶

漢桓帝元嘉三年三月詔孔子廟置百戶卒史一

人掌領禮器

靈帝建寧中給守廟百戶

魏文帝黃初元年詔令魯郡修起舊廟置百戶卒史以守衛之

南宋文帝元嘉十九年十二月詔蠲墓側數戶以掌洒掃魯郡士民孔景等五戶居近孔子墓側可蠲其役以供洒掃

北魏孝文帝泰和十九年給邑一百戶

唐太宗貞觀十一年給先聖廟戶二十以奉享祀

睿宗太極元年正月詔本州取側近三十戶以供酒掃

玄宗開元十三年復給近孔墓五戶

二十七年詔賜百戶酒掃

憲宗元和十三年復置酒掃五十戶

懿宗咸通四年給酒掃林廟五十戶

後周太祖廣順二年給復廟側十戶為酒掃戶

宋景德四年詔兗州舊以七戶守孔子櫝

五十戶

真宗大中祥符元年給近便十戶以奉瑩域是

年十一月修葺祠宇復給近便十戶奉瑩廟

仁宗慶曆四年勅本縣中等人戶內差廟戶五

十人充本廟酒掃

慶曆中梁適知兗州日乞以相兵代廟戶又
裁減人數方是時宰相章得象欲如其請
知政事范仲淹獨曰此事與尋常利害不同
自是朝廷崇奉聖師美事仁義可息則此人
數可減吾輩難行他人必復之朝論遂已當
時天下以此賢仲淹而鄙得象

熙寧中新法行裁減酒掃戶存三十人看祭戶

存三人元祐元年勅依舊法差酒掃戶五十

人看林戶五人並依役人法按減之者王安
后復舊者可馬

溫公也

金孔廟戶食直官爲應付

元太宗九年奉旨洒掃廟戶依舊一百戶奉差
法并行蠲免不係州縣所管

至元二年罷洒掃戶至成宗大德五年復給洒
掃二十八戶從衍聖公孔治之請也

明洪武元年奉

太祖高皇帝御筆欽定撥賜聖廟洒掃戶一百
戶并尼山舊役洒掃戶一十五戶俱於商皂

等州縣選到民間俊秀身家無過子弟陳王
等一百戶供應 聖廟洒掃方巾圓領儒纓
具呈 台省下戶部給勘劄內開全丁在廟
丁不養馬地不入站雜泛差役一槩蠲免再
不許里老攀扯當差違者甘當重罪

三清

順治元年九月巡撫山東方大猷題

請因奉

聖旨聖門典例俱應相沿期於優渥欽此欽遵故
廟戶專供洒掃而有司一應雜差自不攀拿役

佃戶

宋哲宗元祐元年賜田許自召人耕種按此有佃戶之始

明洪武初

欽賜祭田許招募佃戶依前代體例

宣德間戶部踏勘地土五屯佃戶共存五百戶

計二千丁見丁一百大畝共計

聖廟贍田二千大頃永為定例

皇清

順治元年九月巡撫山東方大猷題

請因奉

明里志

卷之二十一

三

聖旨聖門典例俱應相沿期於優渥欽此欽遵故
在屯佃戶見丁計畝開墾荒田專供祭祀而
有司雜差後不後焉

皇清

吏部

啓爲崇聖學以培人材事驗封清吏司案呈奉
本部送順治元年九月初七日吏科抄出巡
撫山東等處地方督理營田提督軍務都察
院右僉都御史方大猷啓前事內稱臣奉
令旨隨撫將出

都時曾具一疏爲恭陳平定山東十二要策事
內第七款爲崇聖學請

先聖孔子爲萬世道統之宗

本朝開國之初一代綱常培植於此禮應

勅官崇祀復衍聖公併四氏學博等之

封可卜國脉靈長人文蔚起迄今未見舉行兗州

曲阜一帶久已歸順况

朝廷尊師樂道與接待臣子不同古來啓運之主

盡有崇祀之文禮宜先施碑誌可攷謹詳列

歷朝恩例以備

殿下採倣而行此天下所仰以爲盛典後世傳之

以爲美治萬不可再遲也伏候

聖裁緣係崇聖學以培人材事理未敢擅便爲此

具本專差官孫英齋捧謹啓請

上計開一公爵孔子嫡孫則承大爵自秦始皇始

封孔鮒爲文通君歷代封爵不一有加無已

悉載史冊可攷至宋仁宗始封爲衍聖公歷

金元至明洪武二年仍封爲衍聖公賜正一

品服色麟袍玉帶三臺銀印一顆列文武班

首歷傳至今自天啓二年又晉階太子太傅

襲封衍聖公一衍聖公長子至十五歲襲授

欽依冠服二品服色至崇禎年間各公侯伯長子

俱加玉帶事例相同一博士衍聖公長子則

承大爵次子至十五歲則授以世襲翰林院
五經博士以主子思子祀事三子則襲太常
寺博士主汶上縣聖澤書院祀事每隨一代
公爵遞爲更授一知縣天下州縣皆用流官
獨曲阜用孔氏世職以宰此邑者蓋以大聖
之子孫不使他人統攝之也其官先由本爵
保舉賢能孔氏任事後改考選廩膳生員德
行兼優者以授此職五年任滿照例考選升
轉一學錄天下學官皆用教諭獨四氏學用
學錄者蓋以比隆國學亦以聖賢之子孫不
與他學同也其官亦自孔姓生員中德行兼
懋者由本爵咨部以授此職一尼山乃孔子
祭祥之地亦設學錄一員以主其祀其官係
本爵弟侄中選德行兼異者咨部授職一洙
泗書院乃孔子闡教之地亦設學錄一員以
主其祀其官於孔氏中遴舉德行秀異者由
本爵咨部以授此職一本爵屬官員後明洪
武元年十二月十九日欽設管勾一員司五
屯錢糧司樂官一員司樂舞生典籍一員司
禮生書籍掌書一名司文移書寫一名司繕

寫知印一名司印務奏差一名司差遣以上
俱由本府保舉堪用人數咨部銓用一屯田
孔廟祀田歷代各有欽賜至明洪武二年欽
賜祭田二千大頃坐落堯屬二十七處其界
段數載在關里誌可攷近以寇盜擾亂土地
荒蕪佃丁逃亡錢糧無備每至祭期賣產毀
噐心血機枯幸祭

聖朝惟奠

新恩一佃戶凡孔廟鄆城鉅野平陽東阿獨山五
屯佃戶係洪武二年欽撥民間身家無過俊
秀五百戶湊人二千丁見丁百餘佃種五屯
祭田辦納籽粒以供本廟祭祀等項費用其
民間一應雜泛差役俱行蠲免至今年荒兵
亂死亡逃移十存二三丁逃地蕪祭祀匱乏
甚爲可慮伏乞

裁酌一廟戶孔廟戶丁歷代欽撥不一自明洪武
二年欽撥民間俊秀子弟一百一十五戶以
供本廟洒掃至今或死於荒或死於盜十存
一二至於洒掃寥寥無人此又不可不加意
者也一樂舞生孔廟每年四時祭祀樂用八

倫設額樂舞生二百四十名於堯屬二十七
州縣遴選民間俊秀子弟以授斯役以供本
廟奔走其本生一應差徭與廩膳生員事例
一體優免仍免本戶人二丁以供本生往返
盤費目今世亂多致逃亡故其樂亦廢伏乞
新旨招採一禮生孔廟禮生每月朔望及四時祭
祀在本廟引讚禮儀額設禮生六十名於曲阜
縣選用民間俊秀子弟以授斯役其優免
例與樂舞生同近因兵亂死亡逃移以致禮
節多廢亦乞

新旨招採因順治元年九月勅四日奉

令旨先聖爲萬世道統之宗禮當崇祀昭朝廷尊
師重道至意這本內所開各款俱應相沿期
於優渥以成盛典着該部查照一體飾行敬
此敬遵抄部送司案查天啓二年五月內該
本部覆題孔子六十五代孫翰林院世襲五
經博士孔胤植奏稱伊繼父尚賢於嘉靖三
十五年九月內襲爵病故植係嫡次親枝侄
已襲五經博士乞要承襲祖爵等因奉

明朝聖旨孔胤植准襲封衍聖公欽遵在案除

銀印祭田佃戶戶丁樂舞生禮生應聽戶禮
二部議覆外通察案呈到部看得衍聖公封
爵原階併伊男應加冠服四氏學博及保舉
知縣等官一節既經該撫具啓

請復奉有這本內所開各款俱應相沿期於優渥
以成盛典着該部察照一體飭行之

令旨相應議覆合無將孔胤植仍封衍聖公照原
階太子太傅伊長男孔興燮應加二品冠服
四氏世襲五經博士孔胤銓顏紹緒曾聞達
孟聞璽俱應仍照舊原襲五經博士世職出

阜知縣孔貞堪係衍聖公保舉堪任咨部著
授今見任仍應照舊准用四氏學錄孔聞然
尼山書院學錄孔興榮洙泗書院學錄孔尚
澄俱見在仍應照舊准用典籍桂存正書寫
田世旺知印張應登奏差齊有成俱見在仍
應照舊留用世襲太常寺博士主汶上縣聖
澤書院應該衍聖公第三子承襲今缺管勾
司樂掌書俱缺應聽衍聖公咨部補授謹遵

上旨覆啓合候

命下行令臣部遵奉施行但

恩典出自

朝廷臣等未敢擅便伏候

聖裁緣係云云謹題請

旨

順治元年九月二十九日啓十月初二日奉

聖上日是後山東巡撫方大猷所請

闕里誌卷之十三

弟子誌

叙曰昔吾夫子學開三堂訓盡九國七十子者固當時所稱受唾門牆匠成鎔鑄而羽翼聖真者也生聚一堂沒享一庭萬世無異議矣然蒐輯聖經者有傳道之功則漢儒有祀註疏聖經者有衛道之功則唐儒有祀闡明聖經者有體道之功則宋儒有祀誦法私淑者上綜六籍下繼諸子有載道之功則

明之儒有祀至若子雖齊聖不先父食堂上堂下

恐昭穆之失序而非體也則又有別祠以祀聖賢之所自出此皆炳燿圖史光華俎豆歷代欽崇聖人而推本聖人之先波及聖人之徒者也其改祀于鄉及罷而不祀者附之末簡備參攷云作弟子誌

弟子名數

按弟子名數史記載孔子之言曰受業身通者七十有七人皆異能之士也唐司馬貞索隱曰孔子家語亦有七十七人宋馬端臨曰孔子弟子史記家語所載皆七十七人魏王肅本自顏回至顏祖止列弟子七十六人缺一人不名前數及觀史記弟子傳有顏何字冉索隱證之曰家語字稱則知顏何已載於家語而肅本缺之耳又北齊顏之推稱仲尼門徒升堂者七十有七十二人顏氏居八唐顏真卿自錄家譜稱孔子門徒者七十二人顏氏有八八人之中顏何與焉索隱去古未遠之推真卿俱顏氏裔孫必各有據今當以顏何足七十七人之數云

顏回 閔損 冉耕 冉雍

冉求 仲由 宰予 端木賜

言偃 卜商 顓孫師 魯參

澹臺滅明 宓不齊 原憲 公冶長

南宮括 公皙哀 魯蕝 顏無繇

商瞿 高柴 漆雕開 公伯寮

司馬耕 樊須 有若 公西赤

巫馬施 梁鱣 顏幸 冉孺

曹 邱 伯 虔 公孫龍
自子石已右三十五人頗有年名及受業聞見於書傳其四十有二人無年及不見書傳者紀于左

冉 季 公祖句茲 秦 祖 漆雕哆

顏 高 漆雕徒父 壤駟赤 商 澤

石作蜀 任不齊 公良孺 后 處

秦 冉 公夏首 奚容蒧 公堅定

顏 祖 鄒 單 句井疆 罕父黑

秦 商 申 棖 顏之僕 榮 旂

縣 成 左人郢 燕 伋 鄭 國

秦 非 施之常 顏 喆 步叔乘

原亢辯 樂 欵 廉 潔 叔仲會

顏 何 狄 黑 邾 巽 孔 忠

公西與如 公西蒧

太史公曰學者多稱七十子之徒譽者或過其實毀者或損其真均之未覩隘容貌則論言弟子籍出孔氏古文近是余以弟子各姓文字悉取論語弟子問答次為編疑者闕焉一按史記所載數同家語內無琴牢陳亢懸置三人而別有公伯寮秦冉鄒單三人當其數文翁石室圖七十二人比家語少公西與懸置原桃公肩公夏守句井疆邾巽顏何八人而別有蘧瑗秦冉林放三人子由古史又祿七十九人蘇子曰孔子弟子高弟七十人余以太史公書及孔子家語考之皆同秦冉顏何不載於家語而琴牢陳亢不祿於史記二書既不可偏廢而琴牢陳

亢又見於論語故并錄之凡七十九人又曰索隱云文翁圖有蘧伯玉林放申儀申堂今石室圖七十二人亦無所謂張與堂也一以上所紀或名同而數異或數同而名異此殆後人以意增損或傳寫之誤殆不可考今惟遵制以嘉靖九年所定名數及續入從祀者列之紀其實也

四配列傳

復聖顏子

魯人名回字子淵邾國之後也武王克商封陸終之裔曹挾于邾其後為

夷甫顏有功於周分封小邾為魯附庸子孫因以父字為氏世世仕魯為卿士自夷甫傳至無繇娶齊姜氏生顏子少孔子三十歲天資明睿聞一知十甫成章即從遊于孔子曰自吾有回而門人日益親宜謂回曰家貧居卑胡不仕乎對曰回有郭外之田五十畝足以給饘粥郭內之田十畝足以為線麻鼓琴足以自娛所學於夫子者足以自樂回不願仕也回願貧富賤如貴無勇而威與士交通終身無患難亦且回乎孔子曰善哉回也夫貧而如富其知足而無欲也賤而如貴其讓而有禮也無勇而威其恭敬而不失於人也終身無患難其擇言而

出之也若回者其至乎孔子曰不傷財不害民不費功則顏氏之子有矣子貢對衛將軍文子曰夙興夜寐諷誦崇禮行不貳過稱言不苟飾以御於天子則王者之相也家語云回以德行著各孔子稱其仁焉年二十九髮盡白三十二年卒孔子哭之痛曰天喪予以魯昭二十一年生哀公五年卒墓在魯城東防山之陽漢高帝十二年東巡狩過魯以大牢祀孔子以顏子配饗歷代因之唐太宗貞觀二年詔稱先師配饗先聖高宗總章元年贈太子少師睿宗太極元年加贈太子太師玄宗開元十三年追封兗公宋真宗大中祥符二年封兗國公元文宗至順元年加贈交國復聖公明嘉靖九年改稱復聖顏子世以嫡長襲封翰林院五經博士奉其祀云

宗聖曾子

名參字子與魯南武城人鄒國之後也禹孫少康封其子曲列于鄒當

魯襄公時邾人莒人滅鄒鄒世子巫奔魯去邑

而為曾氏巫凡幾傳生黜黜生參參年十六孔

子在楚黜命參之楚受學焉曾子之學隨事精

察故於聖人之道獨得其宗天性至孝嘗出薪

于野客至其家母以手搯臂參即馳至問母曰

臂何恙乎母曰今者客至搯臂以呼汝耳家貧

食力敝衣躬耕日不舉火而歌聲若出金石魯

君聞之而致邑焉固辭不受曰吾聞受人施者

常畏人與人者常驕人縱君有賜不我驕也吾

豈能勿畏乎嘗芸瓜誤斬其根曾皙怒援杖擊

之曾子仆地有頃而蘇蹙蹙然而起進曰大人用

力教參得無疾乎退鼓瑟而歌欲使父聽其歌而

知其平也孔子聞之謂門人曰昔舜事瞽瞍索

而使之未嘗不在側索而殺之未嘗可得小杖

則受大杖則走今參委身待暴怒以陷父不義

安得為孝乎曾子曰參罪大矣遂造孔子謝過

晚年道益尊子思公明儀之徒皆從受業每讀

喪禮輒泣下沾襟曰往而不可還者親也至而

不可用者年也初吾為史視不及釜尚服服而

喜者非為多也樂其速親也親既沒之後吾嘗

南遊於楚得尊官焉猶壯而涕泣者非為賤也

悲不逮吾親也曾子寢疾易簀而沒曰吾得

而斃焉斯已矣著書十八篇十篇見大戴禮八

篇二又述孔子所傳大學之道作傳十章孔子

以其志存孝道嘗因之以作孝經十篇子貢對

衛將軍文子曰滿而不盈實而如虛過之如不

及博無不學其貌恭其德惇其於人也無所不

信其驕大人也常以浩浩是曾參之行也唐高

宗總章元年贈太子少保從祀廟庭睿宗太極

元年加贈太子太保玄宗開元八年配享孔子

二十七年追封郕伯宋真宗大中祥符二年加

封郕侯徽宗政和元年改封武城侯度宗咸淳

三年加封郕國公升配享元文宗至順元年加

贈宗聖公

明嘉靖九年改稱宗聖曾子正德間山東僉事

錢宏訪得曾子之後一人於嘉祥深山中未及

請於

朝後竟湮沒嘉靖十二年吏部侍郎顧鼎臣奏求

魯氏嫡派得質粹於永豐縣遷居嘉祥至十八年授以翰林院五經博士世襲以奉祀事云一按成化元年山東守臣上言嘉祥南武山西南玄寨山之東麓有漁者陷入一穴中得懸棺其前有石碣鐫魯參之墓奉

詔封樹丘陵墓在嘉祥始此一魏王肅曰武城魯邑有兩武城故稱南以別之索隱曰當時更有北武城故言南交州志曰今費縣西南八十里有南成山其阿有武城武城寺斷碑尚存春秋時魯子居武城即此又說苑云魯人攻曹魯子辭於費君曰請出姑無使狗豕入吾舍又戰國策其茂之言曰魯子居費之武城又後漢王符論魯子葬父南成山唐章懷太子註云南成

在費縣西南合此觀之則魯子費人也交州志又曰今嘉祥縣南四十五里有南武山山南有魯子墓山東南三里許有南武城即子游為宰處後改為阿城遺址尚存又嘉祥縣志曰南武城即今本縣遂山社地也又嘉祥知縣馬應龍曰按武城有南北北社屬東昌府南即今嘉祥

兖州今觀南武山澹臺山與澹臺河俱在嘉祥境內則嘉祥為南武城益明矣合此觀之則魯子嘉祥人也未知孰是兩存之

述聖子思子 詳具世紀自漢唐以來中庸一篇表章大學中庸與論孟並列為四書乃以徽宗崇寧元年封為沂水侯大觀元年從祀先聖端平二年詔以子思升祀堂上列于十哲之間慶宗咸淳三年加封沂國公升配享元文宗至順元年加贈沂國述聖公

明嘉靖九年改稱述聖子思子正德初始設世襲翰林院五經博士一員奉其書院祀事

亞聖孟子 名軻字子與一字子車魯公族自伯禽就國九世而為桓公桓公四子長為莊公其次庶子慶父叔牙季友是為三桓慶父之後祚號仲孫其後更稱孟孫示不敢伯仲莊公也傳世至激公宜娶仇氏夢神人乘雲攀龍鳳自泰山來將止於嶧凝視久之忽見片雲墜而寤時問巷皆見五色雲覆孟氏居而孟子生焉三歲喪父母有賢德挾其子以居始舍近墓孟子之

少也嬉戲為墓間事踴躍築堊子孟母曰此非所以居子也乃去舍市其嬉戲為賈術事母曰又非所以居子也遂徙舍學宮之傍其嬉戲乃設俎豆揖讓進退母曰此真可以居子矣遂居之稍長就學而歸母方織問曰學何所至矣軻曰自若也母以刀斷織孟子懼問其故母曰子之廢學若吾斷斯織矣夫君子學以立名問以廣知是以居則安寧動則遠害今而廢之是不免廝役而無以離於禍患也何以異於織績而食中道廢而不為寧能衣其夫子而長不食哉孟子懼旦夕勤學不息遂成名儒年八十四卒墓在鄒縣四基山之陽宋神宗元豐六年封鄒國公立廟縣南郭七年詔配享孔子廟庭位次顏子元文宗至順元年贈亞聖公

明洪武五年罷配享諭年復之嘉靖九年改稱亞聖孟子五年景泰三年授五十六代孫希文為翰林院五經博士世襲以奉其祀云

先賢列傳

十哲

閔損字子騫魯人幼喪母為後所苦冬月以衣之以綿閔子御父車身寒失轡父察知之欲出後母損曰母在一子單母去三子寒父善其言而止母為感悟孔子曰孝哉閔子騫人不問于其父母昆弟之言閔子曰始見于夫子有菜色後有芻豢之色閔子曰吾出兼護之中入夫子之門夫子內切磋以孝外為之陳王法心竊樂之出見羽蓋龍旂裘旂相隨心又樂之二者相攻胸中而不能決是以有菜色今被夫子之文寢深又賴二三子切磋而進之內明於去就之義出見羽蓋龍旂裘旂相隨視如壇上矣是以有芻豢之色家語曰閔子以德行著名夫子稱其孝焉卒葬騫山之南在今直隸鳳陽府宿州北七十里唐玄宗開元八年從祀孔廟二十七年追封費侯宋真宗大中祥符二年加封瑯琊公度宗咸淳三年改封費公

明嘉靖九年改稱先賢閔子一以後先賢封贈年月俱同不重書俱改稱先賢某子亦不重書

冉耕字伯牛 魯人以德行稱亞於顏閔尸子曰

公西華侍禮不習于游侍辭不辨宰我侍亡忽

古今顏回侍節小物冉伯生侍子曰吾以夫六

子自厲也孔子為司寇以冉耕為中都宰嘗從

既於陳蔡之間有惡疾孔子往問之曰自臚執其

手曰命矣夫斯人也而有斯疾也後以不及門

追思之公孫丑謂冉牛閔子顏淵善言德行又

謂三子具體而微云冉子閔子墓在今兗州府東平

州北一十五里自汶上縣西門外橋側遷於此

唐玄宗時從祀封鄆侯宋封東平公改封鄆公

一歸安茅坤曰冉伯牛鄆人去臨洛五百里洛

之西五里冉子墓在焉洛人何得廟而祀之豈

夫子門人各以其學授諸侯之國而冉子死是

耶然考之冉子死而孔子與之訣蓋死于鄆也

豈冉子嘗授學于洛既返而門人或其得其所遺

衣冠遂愛其道哀其死而相與謀葬之後之人

因墓以廟耶子又豈疑孔子門諸從游者孔子亟

稱之不置至伯牛則一而言一其疾之詞耳以

家語稱官野史之問特孔子哀其疾之詞耳以

子觀之內子當言不出山以物物儒者也彼其所

壑游谷處夷然託行隱君子之列百世之下固

有聞風而俎豆者矣

冉雍字仲弓 子曰雍聞至刑無所至刑無所至

所用刑至刑無所至刑無所至刑無所至刑無所

必刑政相參焉大上以德教民以禮齊之其次

以政導民以刑禁之刑者成也一成而不可更

故君子盡心焉他日為季氏宰問政子曰先有

司赦小過舉賢才孔子謂其可復南面子曰貢曰

罪是冉雍之行也今仲弓為冉堯有一在兗州府

曹縣東南五十里俗呼為冉堯一在東昌府冠

縣北二十五里未知孰是唐玄宗時從祀封薛

侯宋封下邳公加封薛公

宰予字子我 魯人長於言語嘗問五帝之德及

而曰子非其人也又問君子尚辭乎孔子曰君
子以理為尚博而不要非所察也繁詞富說非
所聽也嘗使于楚昭王問之宰子曰切見夫子
道行則樂其治不行則樂其身方今天下道德
寢息志欲與而行之誠有欲治之君夫夫子固猶
為之何必遠辱君之誠他日歸以告夫夫子貢
曰子之言行事之實未盡夫予之美也夫子曰
言貴實使人信之舍實何稱乎賜之華不若予
之實也又曰吾於子取其實何稱乎賜之華不若予
其言之切事也近類則足以喻之切事則足以
懼之仕齊為臨淄大夫今曲阜縣西南三里
宰我墓唐玄宗時從祀封齊侯宋封臨淄公加
封齊公

端水賜字子貢

衛人天資穎悟善為說辭夫子
嘗誦其辯齊景公問子貢曰子
曰其對曰魯仲尼曰仲尼賢乎曰聖人也景公
曰其對曰如子貢曰不知也景公作色曰始言
聖人今言何如子貢曰不知也景公曰賜終身戴天不知
天之高也終身踐地不知地之厚也賜之事仲

尼譬猶渴操壺杓就江海而飲腹滿而去又安
知江海之深乎子貢為信陽宰辭于夫子夫子
曰治官莫如平臨則莫若廉廉平之守不可改
也澄人之善斯為蔽賢揚人之惡斯為小人內
不相訓而外相謗非親睦也故君子無所不慎
馬子貢好廢舉與時轉貨喜揚人之美不能
區人之過嘗相魯衛家累千金卒于齊唐封黎
侯從祀宋封黎陽公加封黎公一于慎行曰史
以子貢列于貨殖蓋臆說也夫其結駟連騎東
幣帛以聘享諸侯其時卿大夫有力者類能為
之而子貢以言語顯于時遊道之廣固亦無足
怪者乃直信其為貨殖以致之也至如亂齊存
魯破吳霸越強晉一出而五國各有變焉戰國
策士之流假托依附以自為名耳豈其然乎
冉求字子有仲弓之族也求有才藝以政事著
季康子曰當子之身齊人伐魯而不能戰大不
列于諸侯矣康子命冉有帥師禦之孟武伯帥
右師顏羽御泅洩為右冉求帥左師管仲御
樊遲為左及齊師戰于郊右師奔潰齊人從之

涉泗內求用子以帥眾遂入齊師獲甲首八十
 齊師宵遁孔子聞之曰義也既戰季孫謂冉有
 曰子之於戰學之乎性之乎對曰學之孔子時
 孔子在衛冉有言于季孫曰國有聖人而不能
 用欲以衛冉有言于季孫曰國有聖人而不能
 哀公使人以幣召孔子孔子自衛反魯季康子
 欲以田賦使冉有訪諸仲尼仲尼曰尼不私於冉
 有曰求來汝不聞乎先王制土籍田以力而砥
 其遠邇賦里以人而量其有無任力以夫而議
 其老幼於是乎有鰥寡孤獨有軍旅之出則徵
 之無則已其歲收田一井出稷禾秉芻金米不
 是過也先王以為足若子季孫欲其法也則有
 周公之籍矣若欲犯法則苟而行又何訪焉子
 貢曰恭老幼幼不忘賓旅好學博藝省物而勤
 是冉求之行也唐贈徐侯從祀宋封彭城公跋
 封徐公

仲由字子路

魯之卞人也勇力才藝以政事
 著各為人果烈而剛直勇於行義

初見夫子冠雄雞冠佩服腰拔劍而舞曰君子
 固以劍自衛乎夫子曰君子忠以為質仁以為
 衛不出於家堵之室而不知千里之外有不善
 忠化之侵暴則以仁固之何待劍乎子曰名
 乃今聞此言請攝齊以受教遂儒服委質因
 人請為弟子夫子曰以子之所能而加之以學
 問豈可及乎子路曰南山有竹不揉自直而
 用之達于犀革以此言之何學之有子曰括而
 羽之鏃而矟之其入之不亦深乎仕為蒲大夫
 夫子過之入其境曰善哉由也忠信以寬矣至
 其邑曰善哉由也忠信以寬矣至其庭曰善哉
 由也明察以斷矣子貢執轡而問曰夫子未見
 由之政而三稱其善可得聞乎子曰吾見其
 政矣入其境田疇盡易草萊盡闢溝洫深治此
 其恭敬以信故其民盡力也入其邑墻屋完
 其木甚茂此其忠信以寬故其民不偷也至
 庭庭甚清雅此其善命此其明察以斷故其
 不擾也雖三稱其善庸盡其美乎子路見于夫
 子曰負重涉遠不擇地而休家貧親老不擇祿
 而仕昔者由也事二親之時嘗食藜藿之食
 親負米百里之外親沒之後南遊于楚從車百
 乘積粟萬鐘願欲食藜藿為親負米不可得也

夫子曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也
也子路曰由也事親可謂生事盡力死事盡忠也

言偃字子游

吳人自吳之魯受業于夫子以文

告以郊社禘嘗饋奠社饗之禮游退而學禮每
待夫子輒以禮問聖門號為習于禮者季康子
請子游曰仁者愛人乎曰然人亦愛之乎曰然
季康子曰鄭子產死鄭之人丈夫捨珠珮婦人
捨珠珮巷哭三月不聞等瑟之聲仲尼之死吾
不聞魯國之愛之若是何也子游曰子產之於
夫子其猶浸水之與天雨乎浸水所及人得而
知之也天雨所及人不得而知之也嘗宰武城
以禮樂教民夫子喜而稱之子貢曰先成其禮
及事而用之故動則不妄是言偃之行也唐贈
吳侯宋封丹陽公進封吳公

卜商字子夏

魯人魯信夫子以文學者名家貧

之驕我者吾不為臣大夫之驕我者吾不復見
柳下惠與後門者同衣而不見疑非一日之間
也及見魯子魯子曰何肥也子夏曰吾入見先
王之義則榮之出見富貴又榮之兩者未知勝
負故雍今先王之義勝故肥是以志之難也夫
子貢易至于損益喟然而歎子夏避席問曰夫
子何歎焉孔子曰夫自損者必有益之自益者
必有決之吾是以歎也子夏曰然則學者不可
以益乎子曰非道益之謂也道彌益而身彌損
夫學者損其自多以虛受人故能成其滿博也
天道成而必變凡持滿而能久者未嘗有也故
曰自賢者天下之善言不得聞于耳矣子夏曰
商請志之而終身奉行焉孔子沒子夏教授于
西河西河之民疑以為孔子魏文侯師之文侯
以此名聞諸侯子貢曰送迎必敬上交下接若
截焉是卜商之行也子夏習于詩能通其義相
傳今毛詩敘子夏之遺說也或曰子夏受易春
秋於孔子公羊高穀梁赤皆從之學春秋者也

又傳禮著在禮志墓在曹州西三十里卜垌都
唐貞觀二年從祀玄宗時封魏侯宋封河東公
進封魏公

顓孫師字子張陳人才高意廣外矜莊而寡誠

能鞭辟近裏者已矣夫子每教之聞聖教之後則

張進而問曰師問賁吉卦而嘆之乎夫子曰賁

非正色是以嘆之吾思夫質素白當正白黑當

正黑夫質文何也吾聞丹漆不文白玉不雕寶

珠不飾何也質有餘者不受飾也蓋因其文勝

而默救之也子張病召申祥而語之曰君子曰

終小人曰死吾今日其度幾乎子貢曰美功不

伐貴位不喜不侮不伐則猶可能其不侮百姓則

行也夫子曰其不伐則猶可能其不侮百姓則

仁也公孫丑謂子夏子游子張皆有聖人之一

體云今直隸徐州蕭縣南三十五里嬴坊村西

有子張墓唐玄宗時從祀陳伯宋封宛丘侯

政和改封穎川侯咸淳間加封陳國公尋稱陳

公考十哲位

先賢列傳 兩廡

澹臺滅明字子羽武城人狀貌甚惡夫子以為

由徑非公事不見卿大夫南游至江從弟子

百人設取予去就名施乎諸侯夫子聞之曰吾

以言取人失之宰予以貌取人失之子羽今緣

州府南一十八里有澹臺湖豫章有進賢門進

賢縣皆其南遊遺跡唐封江伯宋封金鄉侯

賢其子不重書

宓不齊字子賤魯人為單父宰彈鳴琴身不下

衆悅子何施而得之也對曰不齊父其父子其

子恤諸孤而哀喪紀夫子曰是小事者五人所友

也曰不齊所父事者三人所兄事者五人所友

者十有一人夫子曰父事三人所兄事者五人所友

不齊師之而稟度焉夫子曰昔堯舜聽天下務
求賢以自輔夫賢者百也夫之宗也神明之玉也
惜乎不齊之所治者小也墓在今直隸鳳陽府
壽州南六十里鐵佛崗舊有碑云子賤為魯使
吳死于道因葬焉著定子十六篇夫子以君子
稱之唐封單父伯宋封單父侯

原憲字子思 宋人鄭玄曰魯人清靜守節貧而

樂道夫子沒隱于衛居草澤中子

貢相衛結駟連騎排藜藿入窮閭過謝思思

徹衣冠見子貢耻之曰夫子豈病乎思曰吾聞

之無財者謂之貧學道而不能行者謂之病若

憲貧也非病也子貢慙不懌而去終身耻其言

俗呼為原憲也唐封原伯宋封任城侯

公冶長字子長 齊人家語曰魯人嘗陷于縲紲

漢書云墓在姑幕城東南五里青州府諸城縣

西是也唐封莒伯宋封高密侯

南宮适字子容 一作攝一作南宮因姓焉又曰南

宮敬叔云初敬叔以高得辨於定公奔衛後得

反載其寶以朝夫子聞之曰若其貨也喪不

如速貧之愈也子游侍曰敢問何謂夫子曰富

其有後患也敬叔聞之遂循禮施散焉哀公三

年司鐸火踰公宮桓僖宮災扞於宮故子服景

伯遂命宰人出禮書唯是周禮在魯而典籍尚

存者敬叔之功為多也夫子信其能仁以兄子

高柴字子羔 齊人敬仲高溪十代孫也鄭玄曰

未嘗越禮足不履影啟蟄不殺方長不折執親

之喪泣血三年未嘗見齒為衛士師嘗則人之

足及出公之難子羔出走郭門則者守門焉謂

子羔曰彼有缺子羔曰君子不踰又曰彼有寶

而君愀然不樂君非私我也天生君子其道固
然此臣之所以悅君也夫子聞之曰善哉為吏
用法一也思仁恕則樹德加嚴暴則樹怨公以
行之其柴平唐封共城伯宋封共城侯

漆雕開字子若一作憑字子開蔡人鄭玄曰魯
人習尚書不樂仕夫子使之仕

對曰吾斯之未能信子說夫子問曰子事臧文
仲武仲及孺子容此三大夫孰賢對曰臧氏家

有守羈焉名曰蔡文仲三年而為一兆武仲三
年而為二兆孺子容三年而為三兆從此見之

若問三人之賢與不賢未敢識也夫子曰君子
哉漆雕氏之子其言人之美也隱而顯其言人

之過也微而著程子稱其已見大意唐封滕伯
宋封平輿侯

樊須字子遲魯人樊皮之後鄭玄曰齊人從夫
子游于舞雩之下問崇德修慝辨

惑子曰善哉問又請學稼圃夫所以謂之小
人也唐封樊伯宋封益都侯一子慎行圃樊遲

請學稼圃蓋治神農之言欲以耕戰加圃樊遲
強之業而不知禮義之教可以服天下其學術

之流必至懷商行之說而售管商之利去聖人
之道遠矣故夫子以端本之道告之此王霸之

幾也或者不知真以為欲學農圃而譏其陋亦
淺於論須者矣

司馬耕字子牛宋人司馬向應之弟也自宋來
學牛多言而躁問仁於夫子曰

仁者其言也詎應將為亂牛多憂懼魯哀公十
四年向應作亂入于曹以叛宋景公使左師向

巢伐之巢不能克應奔衛牛致其邑與珪焉而
適齊應自衛入齊陳成子使為次卿牛又致其

邑而適吳吳人惡之而反趙簡子陳成子皆召
之卒于魯郭門之外阮氏葬諸丘與唐封向伯

宋封楚侯改封綏陽侯

公西赤字子華魯人習于禮容應對夫子曰二
三子之欲學賓客之禮者其於

赤也至觀其於養親則若與朋友處然恩勝禮
也夫子之喪公西赤為志焉蓋脩三王之制以

尊師云唐封郛伯宋封鉅野侯

夫子曰無憂也瞿過四十畜有五丈夫子今果
然吾恐子亦晚生耳未必妻之過也從之二年
而有子唐封梁伯宋封千乘侯

公皙哀字季沉齊人天下多仕於大夫為家臣

子賢之太史公曰季沉原憲讀書懷獨行君子

不厭死而已四百餘年而弟子志之不倦此可

以知其賢矣唐封那伯宋封北海侯

商瞿字子木魯人好易夫子傳之嘗為夫子筮

也命也鳳鳥不來河無圖至嗚呼天命之也

傳楚人駢臂子弘弘傳江東人矯子庸疵疵傳

燕人周子家豎豎傳淳于人光子乘羽羽傳齊

人田子莊何及秦禁學易為筮卜之書獨不禁

故傳受者不絕也漢興田何傳之詔于宣元有

施子孟梁丘京氏列于學官詔具漢書中書封蒙

伯宋封須昌侯

冉孺字子魯魯人唐封紀伯宋封臨沂侯

顏辛字子柳魯人唐封蕭伯宋封陽穀侯

伯虔字子析魯人唐封聊伯宋封沐陽侯

曹邴字子循蔡人唐封曹伯宋封上蔡侯

冉季字子產魯人唐封東平伯宋封諸城侯

公孫龍字子石衛人鄭玄曰楚人唐封黃伯宋

漆雕哆字子歛一作後魯人唐封武城伯宋封

秦商字子丕魯人鄭玄曰楚人唐封上洛伯宋

漆雕徒父字子有一作從字子文魯人唐封須

顏高字子驕一名刻魯人唐封琅琊伯宋封雷

商澤字子秀一作子季魯人唐封睢陽伯宋封鄒平侯

壤駟赤字子徒家語作穰徒作從秦人唐封北徵伯宋封上邽侯一按通志略

壤駟氏複姓未知是否

任不齊字子選楚人唐封任城伯宋封當陽侯

石作蜀字子明秦之成紀人唐封郿邑伯宋封成紀侯一按姓氏英賢傳有石

子弟子據此當稱石作子未知孰是

公良孺字子正家語作儒陳人唐封東牟伯宋封牟平侯

公夏首字乘家語作守字乘魯人唐封元父伯宋封鉅平侯

公肩定字子中家語作伯堅字子仲魯人唐封新田伯宋封梁父侯

后處字子里家語作石處字堅之齊人唐封管丘伯宋封膠東侯

鄒單字子家徐廣曰一云鄒單唐封銅鞮伯宋封聊城侯一家語作懸臯魯人字子

象餘冬序錄曰懸豐今家語作懸臯禮記檀弓篇縣子疑即其人而祀典今不及焉宜補懸臯直爵號列諸從祀一按家語有懸臯而無鄒單

史記有鄒單而無懸臯疑即一人以姓名相近而誤耳且其字家語曰子象史記曰子家象字類家疑亦誤書今當祀懸臯而罷鄒單似為近之蓋與其從史記不若從家語也

奚容蒧字子皙一作奚蒧字子偕魯人正義曰衛人唐封下邳伯宋封濟陽侯

一按氏族大全奚奚仲之後以名為氏也奚容蒧孔門高弟則當稱奚子稱奚容複姓者誤

罕父黑字子索魯人唐封乘丘伯宋封祁鄉侯一按氏族略無罕父氏止有宰

父氏註云孔子弟子有宰父黑則家語罕作宰為是

顏祖字子襄一作祖魯人唐封臨邑伯宋封富陽侯

榮旂字子祺

一作祈魯人唐封雲婁伯宋封厭次侯

秦祖字子南

秦人唐封少梁伯宋封鄆城侯

左人郢字行

家語作左郢字子行魯人唐封臨淄伯宋封南華侯一按通志略左人以官為姓也如封人雍人之類稱左子似誤

句井疆字子疆

家語句作勾衛人唐封淇陽伯宋封濠陽侯

鄭國字子徒

一作薛邦魯人唐封滎陽伯宋封胸山侯

公祖句茲字子之

家語無句字魯人唐封期思伯宋封卽墨侯

原亢字籍

一本作原桃字子籍史記作原亢籍魯人唐封萊蕪伯宋封樂平侯

縣成字子橫

魯人唐封鉅野伯宋封武城侯

廉紫字子曹

一本作子庸衛人古史作齊人唐封莒父伯宋封胙城侯

燕伋字思

家語作緞字子思魯人唐封漁陽伯宋封沂源侯

叔仲瞻字子期

家語作會魯人鄭玄曰晉人唐封收丘伯宋封博平侯

顏之僕字子叔

魯人唐封東武伯宋封宛句侯

邾巽字子斂

魯人唐封平陸伯宋封高唐侯

樂欬字子聲

家語欬作欣正義曰魯人唐封昌平伯宋封建成侯

公西輿如字子上

古史作公西輿魯人唐封重丘伯宋封臨胸侯

狄黑字皙之

衛人唐封臨濟伯宋封林慮侯

孔忠字子蔑

家語作弗孔子兄孟皮之子唐封汶陽伯宋封鄆城侯

公西葳字子尙

唐封祝阿伯宋封徐城侯

步叔棗字子車

齊人唐封淳于伯宋封博昌侯

施之常字子常 魯人唐封乘氏伯宋封臨濮侯

秦非字子之 魯人唐封沂陽伯宋封華亭侯

顏噲字子聲 魯人唐封朱虛伯宋封濟陰侯

先儒列傳

左丘明 中都人授經圖曰魯人楚左史倚相之

籍殘缺仲尼思存前聖之業以魯周公之國禮

文備物史官有法故與左丘明觀其史記而修

之皆口授弟子弟子退而異說丘明恐失其真

乃為之傳丘明授魯申申授吳起起授子期期

授鐸椒椒授虞卿虞卿作抄撮九卷授荀卿荀

卿授漢張蒼及賈誼誼為左氏傳訓故授貫公

貫公授子咸及翟方進方進授張禹禹授尹更始更

始授子咸及翟方進方進授張禹禹授尹更始更

尹咸及翟方進方進授張禹禹授尹更始更

歆歆白左氏春秋可立哀帝納之以問諸儒

不對歆遂移書責讓太常博士左氏始得立

學官唐太宗貞觀二十一年從祀宋真宗祥符

元年追封瑕丘伯徽宗政和元年改封中都伯

明嘉靖九年改稱先儒左子以後皆稱先儒某

子不重書

公羊高 周末齊人受春秋于卜子夏高傳其子

壽壽與弟子齊人胡毋子都趙人董仲舒著以

竹帛子都授東海贏公贏公授同郡孟卿孟卿

授魯人睦孟睦孟授東海嚴彭祖魯人顏安樂

故後漢公羊有嚴氏顏氏之學仲舒以公羊顯

皓星公宣帝即位聞衛太子好穀梁春秋以問
丞相韋賢等皆魯人言穀梁氏本魯學公羊氏
乃齊學也由是穀梁之學大盛於是尹胡申
章房氏之學唐時從祀宋封龔丘伯改封睢陽
伯

伏生名勝 濟南人能言書秦焚書時伏生為博
下求其書二十餘篇獨得二十九篇即以教於

齊魯之間文帝時求能治尚書者聞伏生欲召
之時年九十餘老不能行晁錯往受之今文尚
書是也伏生作傳四十一篇授同郡張生張生
授千乘歐陽生歐陽生授同郡倪寬寬授歐陽
生之子世世傳至曾孫高謂之歐陽學又有夏
侯都尉受業於張生以授族子始昌始昌傳族
子勝為大夏侯之學勝傳從子建別為小夏侯
之學故書有歐陽大小夏侯三家並立迄漢東
京相傳不絕而歐陽最盛唐時從祀宋封乘氏
伯

高堂生 漢魯人傳儀禮漢興高堂生授禮士傳

於魯淹中而河間獻王好古收集餘燼得而獻
之合五十六篇並威儀之事高堂生授瑕丘蕭
奮奮授東海孟卿卿授后蒼孝宣世后蒼最明
戴德戴聖慶普皆其弟子三家立於學官故儒
林傳云漢興傳禮者十三家惟高堂生五傳得
戴德戴聖而禮大明唐時從祀宋封萊蕪伯一
按通志略曰高堂齊公族也風俗通齊鄉高敬
仲食采于高堂因氏焉

孔安國字子國 夫子十一世孫也少學詩于申

孔子舊宅以廣其居於壁中得所藏古文虞夏
商周之書及傳論語孝經皆科斗文字悉以書
還孔氏安國乃考論古今文字撰衆師之義凡
五十九篇為四十六卷悉上送官承詔作傳引
序各冠其篇首定五十八篇以授都尉朝而司
馬遷亦從安國問故遷書多古文說朝授膠東
庸生謂之尚書古文之學後漢扶風杜林傳古
文尚書同郡賈逵為之作訓馬融作傳鄭玄亦

爲之註然其所傳唯二十九篇又雜以今文非
 孔舊本晉世秘府所存有古文尙書經文今無
 有傳者至東晉豫章章內史梅賾始得安國之傳
 奏之時又闕舜典一篇齊建武中吳姚興方於
 大桁市得其書奏上比馬鄭所註多二十八字
 於是始列于學官唐時從祀宋封曲阜伯
 毛萇 趙人善說詩漢初有魯齊韓三家並立萇
 自謂子夏所傳初子夏作詩序以授魯申
 申授李克克授孟仲子仲子授根牟子根牟子
 授荀卿荀卿授魯人毛亨爲詩訓詁河間獻王
 得詩傳而獻之朝時毛萇受亨詩爲獻王博士
 每說詩獻王悅之取詩傳加毛亨以別齊魯韓
 三詩也故世謂亨爲大毛公萇爲小毛公萇所
 著有毛詩故訓二十卷詩傳十卷平帝時立于
 學官萇授九江陳俠俠授同郡謝曼卿東海衛
 徐敖敖授于曼卿先儒相承謂之毛詩序子夏
 敬仲受學于敬仲又加淵蓋鄭衆賈逵馬融並
 所創毛公及敬仲又加淵蓋鄭衆賈逵馬融並
 作毛詩傳鄭玄作毛詩箋至今獨立唐時從祀
 宋封樂壽伯

董仲舒 廣川人也治春秋孝景時爲博士下帷
 面蓋三年不窺園其精如此進退容止非禮不
 行學士皆師遵之武帝即位舉賢良文學之士
 前後百數而仲舒以賢良對策爲江都王相復
 相膠西兩相驕王皆以禮匡正凡所著述皆推
 明孔氏抑出百家立學校之官州郡舉茂材孝
 廉皆自仲舒發之年老以壽終于家徙茂陵
 子及孫皆以學顯元文宗至順元年從祀
 明洪武二十九年追封江都伯成化三年改封
 廣川伯

后蒼 東海郟人從孟卿受禮在曲臺校書號曰
 后氏曲臺記蒼授沛人閻人通漢慶普梁
 人戴德及德從兄子聖西漢世后氏二戴禮並
 立于學官劉向考校經籍合二百十四篇戴德
 刪其煩重爲八十五篇謂之大戴記戴聖又刪
 大戴之書爲四十六篇謂之小戴記漢末馬融
 傳小戴之學又足月令一篇明堂位一篇樂記
 一篇合四十九篇而鄭玄受業於融又爲之註

故今小戴記與周官六篇古經十七篇並傳蒼
啟之也
明嘉靖九年考求古禮以蒼為禮之宗 詔令
從祀

杜子春 河南緱氏人通周官周官蓋周公所制
傳漢時有李氏得周官上於河間獻王獨闕冬
官一篇購以千金不得遂取考工記補成六篇
奏之至成帝時黃門郎劉歆表而出之子春受
業劉歆因以教授鄉里時鄭眾賈逵往受其業
二子著周禮解後馬融作周官傳以授鄭玄玄
作周官註皆祖子春云唐時從祀宋封緱氏伯
王通 字仲淹龍門人八世以儒顯受書于東海李
正樂于北平霍汲考易族父仲華不解衣者六
年乃續詩書正禮樂修元經讚易道九年而六
經大就教于河汾西遊長安奏太平十二策帝
大悅下其議於公卿公卿不悅時將有蕭牆之
釁仲淹知謀之不用也作東征之歌而歸累徵
不起僕射楊素甚重之勸之仕仲淹曰通有先

人之敵盧是以此風南薄田是以具餐難識書
談道足以自樂願明公正身以治天下使時和
年豐通也受賜多矣一不願仕也大業末卒于家
門人謚曰文中子又收其議論分為六部號曰
王氏六經
明嘉靖九年從祀

韓愈 字退之脩民人後魏安定桓王茂七代孫
也盡通六經百家學舉進士第歷官刑部
侍郎以諫佛骨貶潮州刺史至潮問民疾苦皆
曰惡溪有鱷魚食民畜產且盡民以是窮乃為
文祝之是夕暴風震電起溪中數日水盡湖西
徙六十里自是潮無鱷魚患表人以男女為隸
過期不贖則沒入之退之至悉計傭得贖所沒
歸之父母七百餘人轉吏部侍郎卒贈禮部尚
書謚曰文有原道原性師說等篇皆與術宏深
與孟子相表裏以佐佑六經昔孟子距楊墨去
孔子纔二百年退之排佛老二家乃去千餘歲
撥衰反正功與齊而力倍之自退之沒其言大
行學者仰之如泰山壯斗云宋神宗元豐七年
從祀封昌黎伯

周禮志 卷之三十三 二十三

胡瑗

字翼之海陵人門人稱為安定先生甫七

歲善屬文年十三通五經以賢聖自期待

鄰父見而異之與其父言曰後當為國家偉器

往泰山與孫明復石守道三人同讀書十年不

歸范仲淹薦于朝以布衣對崇政殿除湖州教

授倡明道學一新故習制名齋署曰經義者所

以經乎仁義禮樂藝倫之義明其體也曰治事

者所以治乎水利兵農算數之事適其用也擢

侍講留主太學士出其門者凡數千禮部歲所

得士翼之弟子十常居四五自河汾以後能立

師道成就人才者必以翼之為首稱焉卒謚文

昭明嘉靖九年從祀

周敦頤

字茂叔世居道州營道縣濂溪之上嘗

終又著通書四十篇發明太極之蘊為南安司

理時通判程珦與語知其學道也因與為友有

二子顥頤往受業焉茂叔每令尋孔顏樂處所

樂何事二程之學源流乎此矣說者謂其得孔

子之本源大有功于一學也嘉靖十三年賜

謚曰元理宗淳祐元年封汝南伯從祀元至順

中加封道國公

程顥

字伯淳河南人大中大夫响之子也生而

第凡居官坐處皆書視民如傷四字常曰顥常

有四先生自十五六時聞周茂叔論道遂厭科

舉之業慨然有求道之志未知其要泛濫於諸

家出入於老釋者幾十年返求諸六經而後得

之明于庶物察于人倫知盡性至命必本于孝

悌窮神知化由通于禮樂辯異端似是之非開

百代未明之惑秦漢而下未有臻斯理也謂孟

子沒而聖學不傳以興起斯文為已任辨異端

闢邪說使聖人之道燦然復明于世蓋自孟子

之後一人而已先生之死士大夫識與不識莫

封預國公

歐陽脩

字永叔廬陵人幼敏悟過人讀書輒成

體裁猶仍五季餘習承叔游隨州得唐韓愈遺稿于廢書篋中讀而心慕焉苦志探願至忘寢食從尹洙游為古文議論當世事迭相師友與梅堯臣游為歌詩相倡和遂以文章名冠天下入朝為館閣校勘慶曆三年知諫院乃為朋黨論帝獨獎其敢言面賜五年拜樞密副使六年參知政事熙寧四年以太子少師致仕五年卒于汝陰贈太子太師謚文忠葬于新鄭旌賢鄉蘇轍為神道碑嘗謂漢之文涉晉魏而弊至唐韓愈氏振起之唐之文涉五季而弊至宋歐陽又振起之挽百川之頽波息千古之邪說羽翼大道扶持人心此兩人之力也

邵雍

字堯夫河南人少時自雄其才慷慨欲樹功名於書無所不讀北海李之才聞堯夫

好學嘗造其廬授以河圖洛書秘義八卦卦四卦圖堯夫探順索隱妙悟神契多所得者初至洛逢華環堵不庇風雨富弼司馬呂公著諸賢退居洛中推敬堯夫恒相從游為市園宅名其居曰安樂窩人無貴賤少長一接以誠故賢者悅其德不貴者服其化忠厚之風聞于天下仁宗嘉祐初復求逸士中丞呂誨等復薦之夫應詔熙寧初復求逸士中丞呂誨等復薦之竟稱疾不之官程顥初侍其父識堯夫退而嘆曰堯夫內聖外王之學也又曰堯夫知慮絕人遇事能前知其心虛明自能知之所著書曰皇極經世觀物內外篇漁樵問對擊壤集贈秘書省著作郎哲宗元祐中賜謚康節度宗咸淳三年從祀追封新安伯

張載字子厚世居大梁父迪知涪州卒諸孤幼口因家焉子厚少喜談兵至欲結客取洮西之地以書謁范仲淹一見知其遠器乃警之曰儒者自有名教可樂何事於兵因勸其讀中庸一夕與二程語道學之要渙然自信曰吾道自足

何事旁求於是盡棄異學而學焉嘉祐二年登進士第蒞官以敦本善俗為先熙寧九年感異夢忽以書屬門人乃出所撰正蒙出示門人又作西銘又謂春秋之為書在古無有乃聖人所自作惟孟子為能知之非理明義精始未可學游酢讀西銘渙然不逆于心曰此中庸之理也呂大防薦之乃詔知太常禮院與有司議禮不合復以疾歸行次臨潼疾甚沐浴更衣而寢旦而卒年五十有八貧無以斂門人共買棺奉其喪還葬于涪州墓之南世稱為橫渠先生寧宗嘉定十三年謚曰明淳祐元年追封郡伯從祀

司馬光

字君實夏縣涑水鄉人也生七歲聞講

指自是手不釋書仁宗寶元初中進士甲科累官尚書左僕射兼門下侍郎病革不復事覺諱諱如夢中語然皆朝廷天下事也薨年六十八太皇太后聞之慟與帝親臨其喪贈太師追封溫國公謚曰文正賜碑曰忠清粹德嘗自言吾無過人者但不生所為未嘗有不可對人言者

耳誠心自然天下敬信然洛關皆化其德也喜釋老曰其微言不能出吾書其誕吾不信也圖上卷稽古錄二十卷本朝百官公卿表六卷註古文孝經一卷易說三卷註繫辭二卷大學中庸義一卷餘不具載其文如金玉穀帛藥石也必有適于用無益之文未嘗一語及之高宗建炎中配享哲宗廟庭度宗咸淳三年從祀程頤字正叔明道先生之弟也幼有高識非禮何學正叔因答曰學以至聖人之道也堯大驚異舉進士廷試報罷遂不復試英宗神宗朝大臣屢薦皆不起哲宗嗣位司馬光呂公著共疏其行義曰伏見河南府處士程頤力學好古安貧守節言必忠信動遵禮法年踰五十不來仕進真儒者之高蹈聖世之逸民望擢以不次使士類有所矜式詔以為西京國子監教授力辭元祐元年召對擢崇政殿說書在經筵每進講日必宿齋豫戒潛思存誠冀以感動上意崇寧五年致仕時易傳成書已久寢疾始以授尹焞

張繹卒年七十五世稱為伊川先生先生於書無所不讀其學一本於誠以太學誦孟中庸為標指而達於六經動止語默一以聖人為師其不至乎聖人不止也張載稱其兄弟得孔子孟不傳之學以為諸儒倡導寧宗嘉定十三年賜謚曰正理宗淳祐元年封伊陽伯從祀元文宗至順二年加封洛國公

楊時字中立將樂人熙寧九年中進士第時河洛之士翕然師之時調官不赴以師禮見顯於穎昌相得其權其歸也顯送之曰吾道南矣顯卒又見程頤於洛時頤偶坐時與游醉侍立不去既覺則門外雪深一尺矣杜門不仕者十年久之歷知三縣皆有惠政張舜民在諫恒薦之得荊州教授德望日重四方之士不遠千里從之游號曰龜山先生已而告老以龍圖閣直學士致仕優游林泉以著書講學為事所著三經義辨推本孟子性善之說發明大學中庸之道有欲知方者為指其攸趣無所不備也

州將四十有七年晚思謙省僅九十日此所謂列皆切于世道而其大者則關王氏排和議論三鎮不可棄云

明弘治九年追封將樂伯從祀
胡安國字康侯崇安人中國紹聖四年進士第初命再讀之注聽稱善者數四親擢為第三授太學博士足不躡權貴五年除徽猷閣待制初王安石廢春秋不列于學官安國謂先聖手所筆削之書乃使人主不得聞講說學士不得相傳習亂倫滅理用夏變夷殆由乎此於是潛心刻意游泳沉酣者三十年及得伊川所作傳其間精義數條若合符節益以自信年六十一而書始就凡三十卷高宗謂深得聖人之旨進寶文閣直學士以紹興八年卒詔贈四官賜田十頃恤其孤謚曰文定蓋非常格也公傳道伊洛志在春秋著書立言格若垂後所以明天理正人心扶三綱敘九法者深切著明體用該貫而其正色危言據經論事剛大正直之氣無愧于古人

國朝正統元年從祀成化三年追封建寧伯

朱熹

字元晦宋司勳吏部郎中松之子也世為徽

言父指示之曰天也元晦問曰天之上何物父
異之就傳授以孝經一閱題其上曰不若是非
人也嘗從群兒戲沙上獨端坐以指畫沙視之
八卦也少長厲志聖賢之學年十八舉建州鄉
貢中紹興十八年進士第自筮仕以至屬纊五
十年間歷事四朝仕於外者僅九考立於朝者
四十日道之難行也如此然紹道統立人極為
萬世宗師則不以用舍為加損也謂聖賢道統
晦於是竭其精力以研窮聖賢之經訓於大學
中庸則補其缺遺別其次序綱領條目燦然復
明於論語孟子則深原當時答問之意使讀而
味之者如親見聖賢而面命之於易於詩則求
其本義攻其未失深得古人遺意於數千載之
上於書則疑今文之艱澀反不若古文之平易
於春秋則疑聖心之正大決不類傳注之穿鑿
於禮則病王安石廢罷儀禮而傳記獨存於樂
則闕後世律尺既亡而清濁無據若歷代史記
則又考論西周以來至於五代取司馬公編年
之書繩以春秋記事之法綱舉而不繁目張而
不紊國家之理亂君臣之得失如指諸掌周程
張邵之書所以繼孔孟道德之傳歷時未久微
言大義鬱而不彰先生為之哀集發明而後得
以盛行於世太極先天二圖精微廣博不可涯
涘為之解剝條劃而後天地本原聖賢蘊奧不
至泯滅所著書有易本義起蒙著卦考崇詩集
傳大學中庸章句或問論語孟子集註太極圖
通書西銘解楚辭集註辨證韓文考異所編次
有論孟集議孟子指要中庸輯略孝經刊誤小
學書通鑑綱目宋名臣言行錄家禮近思錄河
南程氏遺書伊洛淵源錄皆行于世先生沒朝
廷以其大學中庸語孟訓說立于學官又有儀
禮經傳通解未脫稿亦在學官平生為文凡一
百卷生徒問答凡八十卷別錄十卷黃幹曰道
之正統待人而後傳自周以來任傳道之責者
不過數人而能使斯道章章較著者一二人而

止耳由孔子而後曾子子思得其微至孟子而始著由孟子而後周程張子繼其絕至先生而致仕除華文閣待制與致仕恩澤嘉定中詔賜遺表恩澤謚曰文尋贈中大夫特贈寶謨閣直學士寶慶二年贈太師追封信國公紹定三年改封徽國公淳祐元年從祀元順宗至正二十二年改封齊國公

張斌 字敬夫綿竹人魏國忠獻公浚子也自幼學所教莫非仁義忠孝之實長師五峰胡

宏五峰一見即以孔門論仁親切之旨告之敬夫退而思若有得焉五峰稱之曰聖門有人矣敬夫益自奮厲以古聖賢自期作希顏錄以應補承務郎紹興間忠獻出督奏敬夫充機宜以軍事入見上異之除直秘閣五年除秘閣修撰荆湖北路轉運副使改知江陵府安撫本路敬夫自以不得其職求去詔以右文殿修撰提舉武夷山冲佑觀病且死猶手疏勸上親君子遠小人信任防一已之偏好惡公天下之理天下傳誦之敬夫為人坦蕩明白表裏洞然詣理既

精悟道又篤其樂于聞道而勇于從義則又奮勵勵明決無毫髮滯吝意故其德日新業日廣所著論語孟子說太極圖說洙泗言仁諸葛武侯傳經世紀年行於世學者稱爲南軒先生寧宗嘉泰八年賜謚宣理宗景定二年從祀

陸九淵 字子靜金谿人年四歲問其父曰天地食他日讀古書至宇宙解者曰上下四方曰宇宙往古來今日宙忽大省曰宇宙內事乃已分內事已分內事乃宇宙內事登乾道八年進士第累官知荆門軍嘗與王順伯論儒釋書曰儒者雖至無聲無臭無方無體皆主于經世釋氏雖盡未來際普度之皆主于出世或勸子靜著書曰六經著我我著六經又曰學苟知道六經皆我著脚一日語所親曰先教授兒有志天下竟不得施以沒吾今將死矣又告僚屬曰某將告終會禱雪明日雪迺沐浴更衣端坐後二日卒葬于延福鄉朱陂之下會葬者以千數謚文安有詩文語錄傳于世

國朝嘉靖九年從祀

呂祖謙

字伯恭宋人其先萊人祖好問隨高宗南渡始居婺州伯恭自四世祖希哲從

程頤游以儒行名于世故其家子孫有中原文獻之傳舉隆興元年進士除太學博士累官著作郎兼國史院編修官以疾請祠歸卒朱子書其墓石曰東萊先生之墓伯恭學以關洛為宗而旁稽載籍不見涯涘心平氣和不立崖異一時英偉卓犖之士皆歸心焉一日誦孔子言躬自厚而薄責於人忽覺平時忿憶渙然冰釋朱熹嘗言學如伯恭方是能變化氣質其所講書將以開物成務既臥病而任重道遠之意不衰居家之政皆可為後世法修讀詩記大事記皆未成書考定古周易書說闡範官箴辨志錄歐陽公本末皆行于世寧宗嘉泰八年賜謚成理宗嘉熙三年改謚忠亮景定二年追封開封伯從祀

蔡沆

字仲默建陽人西山元定之子也少從朱元晦游元晦晚欲著書傳未及為遂以屬

仲默洪範之數學者久失其傳西山獨心得之然未及論著曰成吾書者沆也仲默受父師之托沉潛反覆者數十年然後成書傳及洪範皇極內篇往往有先儒所未及者年僅三十屏去舉子業一以聖賢為師隱居九峰當世名卿物色將薦用之仲默不屑就李士英曰仲默平居仰觀俯察默坐終岩瞭然有見于天地之心萬物之情反求諸躬眾理具脩信前聖之言不予欺也世稱九峰先生

明正統元年從祀初謚文正成化三年追封崇安伯

真德秀

字景元浦城人四歲受書過目成誦登寧宗慶元五年進士第歷知大郡惠政

畢舉其知泉州也迎者塞路深村百歲老人亦扶杖而出城中歡聲動地召為戶部尚書入見上迎謂曰卿去國十年每切思賢乃以大學衍義進復陳祈天永命之說謂敬者德之聚儀狄之酒南威之色盤遊戈射之娛禽獸狗馬之玩有一于茲皆足害敬上欣然嘉納改翰林學士

知制誥時政多所論建逾年拜參知政事三乞
辭祿上不得已進資政殿學士提舉萬壽觀兼
侍讀疾亟冠帶起坐卒上震悼輟朝思之不置
贈銀青光祿大夫謚文忠世稱西山先生希元
之學以朱文公為宗慨然以斯文自任黨禁既
開而正學遂明於天下後世多其力也所著西
山甲乙稿對越甲乙集經筵講義端平廟議獻
忠集江東採荒錄清源雜志星沙集志文章正
宗唐書考疑心經政經等書行于世今蒲城縣
南孝弟里有希元墓
明正統元年從祀成化三年追封浦城伯

許衡字仲平河內人七歲入學授童句問曰讀
大奇之聞姚樞以道學自任乃請蘇門見之樞
授以伊川易傳晦菴四書集註或問及小學書
仲平讀之默契于中遂手寫而還謂學者曰昔
所授受殊孟浪也今始聞進學之序悉取向來
簡帙焚之教人無小大皆自小學入元憲宗西
年世宗出王秦中召為京兆提學時秦人新脫

于兵欲學無師聞仲平來莫不喜幸郡縣皆建
學民大化之至元八年召為集賢大學士兼國
子祭酒久之諸生尊師敬業下至童子亦知三
綱五常為生人之道皆能自立為世用矣史臣
謂其設教之方千古一見云卒年七十二語其
子曰我平生虛名所累竟不能辭官死後慎勿
請謚勿立碑但書許某之墓四字使子孫識其
處是矣羅整菴曰衡始終尊信朱子其學行皆
平正篤實遭逢世祖使儒者之道不廢可謂有
功于斯文矣成宗大德二年贈司徒謚文正武
宗至大二年追封魏國公仁宗皇慶二年詔從
祀

明先儒列傳

薛瑄字德溫河津人幼讀周程張朱書嘆曰此
道學正脉也舉承樂辛丑進士累官禮部
左侍郎兼學士入內閣致仕居家八年從學者
日益衆每以聖賢為師倦倦以復性為教嘗曰
六經四書性之一字括盡學者讀書窮理須實
見得然後體而行之不然無異于買椟還珠也

所著有讀書錄續讀書錄河汾詩集文集行于世卒贈禮部尚書謚文清楊廉曰明理學自文清始弘治九年祀于鄉隆慶五年從祀

王守仁字伯安餘姚人年十七謁婁一齋知聖學弘治己未第進士授刑部主事累官巡撫都

御史平茶寮賊虔吉人皆為立生祠嘉靖敗元詔錄平宸濠功封新建伯兼南京兵部尚書六年征岑猛黨因平八寨臥病乞致仕行至南安卒歸葬橫溪世稱陽明先生伯安天資絕倫讀書過目成誦少喜俠工詞章好仙釋中年體驗聖學悟從天啟遂屹然以斯道為己任其學問直求諸心而其教人也以致良知為至平生著述甚富如傳習錄及文錄今盛行于世初計開于

朝忌者媒詆遂削世襲伯爵隆慶中復之贈侯謚文成萬曆十一年從祀

陳獻章字公甫新會縣人穎悟絕人讀書一覽輒記正統十三年舉廣東鄉試聞江右

吳康齋講伊洛之學往從之游遂棄其學而學焉成化一二年游太學別祭酒讓試和揚龜山此日不再得詩大驚服名動京師五年復上禮部不第遂歸隱白沙布政使彭韶督府朱英交薦召至京師不就試懇辭乞終養特授翰林檢討學者稱爲白沙先生嘗曰吾年二十七始發憤從吳聘君學於古聖賢書無所不講然未知入處比歸白沙杜門不出專求所以用力之方而卒未得所謂未得者謂此心與此理未有脗合處也於是舍其繁而求之約惟在靜坐久之然後見吾心體隱然呈露始渙然自信曰作聖之功其在茲乎薛侃曰獻章博而能約不離人倫日用而見焉飛魚躍之機雖無著述其答人論學之書已啟聖賢之扁鑰萬曆十二年從祀

胡居仁字叔心餘于縣人幼有大志受春秋為講學于崇仁里徒步往從之游以記誦詞章為不足事專用心于內其學以至忠信為本以求放心為要謂聖學成始成終在於敬因以敬名齋聚徒講誦語學則曰為己語治則曰王道自

孟子後獨推尊二程子朱子以為得其正傳他
不與也所著有居業錄敬齋集揚廉曰
本朝以理學為倡者薛敬軒讀書錄胡敬齋居
業錄粹然一出正萬曆十二年從祀

啟聖祠

醜享先賢四

從祀先儒四

明弘治元年吏部尚書王恕請立廟祀啟聖王
以杞國公無繇蒞蕪侯點泗水侯鯉邾國公孟
孫氏配享永年伯程珦獻靖公朱松從祀禮官
議不合遂已十四年侍郎魯鐸復請如前亦不
合已嘉靖九年從輔臣張聰議 詔兩京國子
監并天下學校各建啟聖公祠祀叔梁紇題稱
啟聖公孔氏之位而以顏無繇曾點孔鯉孟孫
氏配程珦朱松蔡元定從祀萬曆二十三年又
添入周輔成從祀

先賢顏氏

諱無繇字路家語作顏繇字季路顏
子回之父也唐玄宗開元二十七年

先賢曾氏

諱點字子皙史記點作蒧子皙作皙
曾子參之父也唐玄宗開元二十七年

年追封宿伯從祀宋真宗祥符二年加封萊蕪
侯

先賢孔氏

諱鯉字伯魚子思子伋之父也宋徽宗崇寧元年追封泗水侯度宗咸淳

三年從祀以上三賢

明嘉靖九年遷配啟聖祠俱改稱先賢某氏

先賢孟孫氏

激公宜魯公族孟孫之後孟子軻之父也元仁宗延祐三年追封鄉

國公

明嘉靖九年配享啟聖祠

程氏珦

字伯溫二程子顥頤之父也宋仁宗錄舊臣後授官知夔州累轉大中大夫封

永年伯

朱氏松

字喬年朱子熹之父也歷司勳吏部郎出知饒州請祠家居元順宗至正二十

一年謚獻靖二十二年追封齊國公

蔡氏元定

字季通蔡子沉之父也宋隱士嘉定三年贈迪功郎謚文節黃端節曰蔡

氏祖孫三世一轍以上三賢俱

明嘉靖九年從祀啟聖祠稱先儒某氏

周氏輔成

字令累贈諫議大夫周子敦願之父也宋桂嶺縣

明萬曆二十二年禮部覆湖廣撫按郭惟賢等本奉聖旨是周輔成准從祀啟聖祠

改祀于鄉者七人

俱嘉靖九年改詳具永嘉疏中

林放

字子丘魯人以家語史記俱不載弟子列

遠瑗

字伯玉衛人以夫子之所嚴事者不當在

年從祀

鄭玄

字康成東漢北海高密人

鄭眾

字仲師東漢開封人

盧植

字子幹東漢涿郡人

服虔

字子慎東漢河南滎陽人

范甯

字武子晉鄆陵人一以上五人俱唐貞觀二十一年從祀今俱以造詣未純改

罷祀者十四人

丙楊雄洪武二十九年罷餘俱嘉靖九年罷詳具永嘉疏中

公伯寮

字子周魯人以季氏之黨愬子路沮夫

從祀

秦冉

字開蔡人

顏何

字冉魯人一以上二人永嘉引程篁敷之議曰家語不載疑史記誤書奏罷其祀一按今議仍當復其祀詳具孔門傳道錄

荀况

字卿周末趙人以言性惡罷

楊雄

字子雲漢蜀郡成都人以事王莽罷一以上二人俱宋元豐七年從祀

戴聖

字次君漢梁人以賊吏罷

劉向

字子政漢宗室以誦神仙方術罷

賈逵

字景伯東漢扶風平陵人以會附圖讖罷

馬融

字季長東漢扶風茂陵人以黨附勢家罷

何休

字邵公東漢任城樊人以註風角等書罷

王肅

字子雍魏東海邳人以爲司馬師畫策篡魏罷

王弼

字輔嗣魏山陽人以宗旨老莊罷

杜預

字元凱晉京兆杜陵人以建短喪罷一以上八人俱唐貞觀二十一年從祀

吳澂

字幼清元撫州崇仁人以忘宋事元罷一以上一人

明正統八年從祀

關里誌卷之十四

詔詰

魏

文帝黃初二年詔曰昔仲尼稟大聖之才懷帝王之器當衰周之末而無受命之運在魯衛之朝教化乎洙泗至栖栖焉皇皇焉欲屈已以存道貶身以救世於是王公終莫能用乃退考五代之禮修素王之事因魯史而制春秋就太師而正頌雅俾千載之後莫不崇其文以述作仰其聖以成謀茲可謂命世大聖億載之師表者已

遭天下大亂百祀墮壞舊居之廟毀而不修褒成之後絕而莫繼闕里不聞講誦之聲四時不睹蒸嘗之位斯豈所謂崇禮報功盛德百世必祀者哉嗟乎朕甚憫焉其以奉議郎孔羨爲宗聖侯邑百戶奉孔子之祀令魯郡修起舊廟置百戶卒史以守衛之又於其外廣爲屋宇以居學者

北魏

高祖孝文皇帝延興二年春二月乙巳詔曰尼父真達聖之資體生知之量窮理盡性道光四海頃者徐淮未賓廟闕非所致令祀典頓寢禮章殄滅遂使女巫妖現淫進非禮殺生鼓舞倡優媒狎豈所以尊明師敬聖道者自今以後有祭孔子廟制用酒脯而已不聽婦女合雜以祈非望之福犯者以違制論其公家有事如常犧牲粢盛務盡豐潔臨事致敬肅如也

宋

文帝元嘉十九年十二月丙申詔曰胄子始集學業方興自微言泯絕逝將千載感事思人意有慨然奉聖之胤可速議襲於先廟地特爲營建

依舊給祠宜令四時饗祀闕里往經寇亂黷學
殘毀并下魯郡復修學舍採召生徒昔之賢哲
及一介之善猶或衛其土壠禁其芻牧况尼父
德表生民功被百代而墳塋荒蕪荆棘勿剪可
蠲墓側數戶以掌洒掃魯郡上民孔景等五戶
居近孔子墓側蠲其課役以結洒掃并栽種松
栢六百株

武帝孝建元年詔曰仲尼體天降德繼周興漢經
緯三極冠冕百王爰自前代咸加褒述典司失
人因缺宗祀先朝遠存遺範有詔繕立世故妨
道事未克就國難頻深忠勇奮厲寔憑聖義大
教所敦永惟兼懷無忘待旦可開建廟制同諸
侯之禮詳擇爽塏後給祭秩

齊

武帝永明七年詔曰宣尼誕敷文德峻極自天發
輝七代鈞陶萬品英風獨舉素王誰匹功隱於
當年道深于日月感麟厭世緬邈千祀川竭谷
虛陵夷淵塞非但洙泗湮淪至乃饗堂乏主前
王敬仰崇脩寢廟歲月亟流鞠爲茂草今學校
興立實稟洪規撫事懷人彌增欽屬可改築宗

日新堂記 卷之十四 三
祊務在爽塏量給祭秩禮同諸侯奉聖之爵以
時繼紹

明帝永泰元年三月詔曰仲尼明聖在躬允光上
哲弘厥雅道大訓生民師範百王軌儀千載世
人斯仰忠孝攸出玄功潛被至德彌闡雖反袂
遐曠而祧薦彌缺時祭舊品秩比諸侯頃歲以
來祀典陵替俎豆寂寥牲奠莫舉豈所以克昭
太烈永隆風教者哉可式循舊典詳復祭秩使
牢饒備禮欽饗

梁

敬帝太平二年詔曰夫子降靈體詰經仁緯義允
克素王載闡玄功仰之者彌高誨之者不倦立
忠立孝德被蒸民制禮作樂道冠群后雖太山
極峻一簣不遺而泗水餘瀾千載猶在自國圖
屯阻祧薦不修奉聖之門胤嗣殲滅敬神之寢
簠簋寂寥永言聲烈寔兼欽愴可搜舉魯國之
族以爲奉聖之後并修繕廟堂祗備祀典四時
薦秩一皆遵其舊

周

宣帝大象二年詔曰大德之後是稱不絕功施於

民義昭祀典孔子德惟藏往道實生知以大聖
之才屬千古之運載弘儒業式次彝倫至如秦
一替天人之理裁成禮樂之務作範百王垂風萬
一葉朕欽承寶曆服膺教義眷言洙泗懷道滋深
而褒成啓號雖彰故實旌崇聖績猶有關如可
追封爲鄒國公邑數准舊并立後承襲

陳

後主至德三年詔曰宣尼誕膺上哲體資至道祖
述憲章之典並天地而合德樂正雅頌之奧與
日月而偕明垂後昆之制範開生民之耳目梁

李涪微靈寢忘處此物爲茂草三十餘年敬仰如
在水惟愾息今雅道和熙由庚得所斷琴故屢
零落不追闕簡開書無因修復可詳之禮典改
築舊廟葺房椽棟咸使維新芳繁絮潦以時馨
奠

隋

煬帝大業四年詔曰先師尼父聖德在躬誕發天
縱之姿憲章文武之道命世膺期蘊茲素王而
頽山之嘆忽踰於千祀至德之美不存于百代
永惟懿範宜有褒崇可立孔子後爲紹聖侯有

司求其苗裔錄以申上

唐

高祖武德二年詔曰大德必祀義在方冊達人命世流慶後昆爰始姬旦匡翊周邦創設禮經大明典憲啓生民之耳目窮法度之本原粵若宣尼天姿睿哲四科之教歷代不刊三千之徒風流無斁惟茲二聖道濟生人尊禮不修孰明褒尚宜命有司立周公孔子廟各一所四時致祭武德九年十二月二十九日太宗皇帝詔曰宣尼以大聖之德天縱多能王道藉以裁成人倫資其教義故孟軻稱生民以來一人而已自漢氏馭歷魏室分區爰及晉朝暨于隋代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲褒聖侯以隋故紹聖侯孔嗣愨嫡子德倫爲嗣高宗乾封元年正月車駕發泰山至曲阜親幸祠廟詔曰朕聞德契機神盛烈光于後代化成天地玄功被于庶物魯大司寇宣尼父孔某資大聖之材屬衰周之末思欲屈已濟俗弘道佐時歷聘周流莫能見用想乘桴以永嘆因獲麟而

與感於是垂素王之雅則正魯史之繁又播鴻業于一時昭景化於千祀朕嗣膺寶曆祇奉睿圖憲章前王規矩先聖崇至公于海內行大道于天下遂得八表又安兩儀交泰功成化洽禮備樂和展采東巡回輿西土途經茲境撫事興懷駐驛荒區願爲師友瞻望幽墓思承格言雖寔寢荒蕪餘基尚在靈廟空寂徽烈猶存孟軻曰自生民以來未若孔子者也微禹之嘆旣深褒崇之道宜峻可追贈太師庶年代雖遠式令圖景業維新儀刑茂實宜更加修造仍令三品一人以少牢致祭侯德倫旣承胤嗣有異常流其子孫並宜免賦役

玄宗開元二十七年八月追謚孔子爲文宣王詔曰弘我王化在乎儒術發揮此道啓迪含靈自生民以來未有如孔子者也所謂自天攸縱將聖多能德配乾坤身揭日月故能立天下之大本成天下之大經美政教移風俗君君臣臣父子子民到于今受其賜不其備歟於戲楚王莫封魯公不用俾夫大聖才列陪臣棲遲旅人

固可知矣年祀寢遠光靈益彰雖代有褒稱未
爲崇峻不副於實人其謂何夫子旣稱先聖可
追謚爲文宣王令三公持節冊命其後嗣褒聖
侯改封嗣文宣公

宋

宗大中祥符元年十一月詔曰朕以紀號岱宗
觀風廣魯允懷先聖實主斯文矧尼山毓粹之
區光靈可挹而曲阜奉祀之地廟貌猶存將伸
歎謁之儀用表欽崇之志宜取十一月朔日幸
曲阜縣備禮躬謁仍付所司詳定車駕至曲阜
縣謁文宣王廟內外量設黃麾伏襲文宣公親
伯叔兄弟並許陪位

加謚玄聖文宣王制曰王者順考古道懋建夫
猷崇四術以化民昭宣教本總百王而致治否
變人文方啓迪於素風思丕揚於鴻烈先聖文
宣王道膺上聖體自生知以天縱之多能實人
倫之先覺玄功侔乎簡易景鑠配乎貞明惟列
辟以尊崇爲億載之師表肆朕以寡昧欽承命
曆曷嘗不遵守彞訓保入中區屬以祗若元符
告成喬嶽觀風廣魯之地飭駕數仞之墻躬謁

遠祠緬懷遐躅仰明靈之如在肅奠獻以惟寅
是用稽簡冊之文昭聰駭之德聿舉追崇之禮
庶申嚴奉之心備物典章垂之不朽誕告多士
昭示朕意宜追謚曰玄聖文宣王

封文宣王父叔梁紇爲齊國公母顏氏爲魯國
太夫人詔曰朕以祗陟岱宗親巡魯甸永懷宣
聖之德躬造闕里之庭奠獻周旋欽崇備至惟
降靈之所自亦錫羨之有初像設具存名稱斯
闕宜加追命以煥典章叔梁紇宜追封齊國公
顏氏宜追封魯國太夫人遣都官員外郎王願

精虔祭告

伯魚毋元官氏追封鄆國夫人器曰朕時巡魯
郡躬詣孔堂顧風教之所尊舉異章而旣渥眷
惟令淑作合聖靈載稽簡冊之文尚闕封崇之
數屬茲咸秩特示追崇垂厥方來式昭遺範元
官氏宜追封鄆國夫人仍合兖州遣官詣曲阜
廟祭告

大中祥符二年御賜書并塗金器用等碑勅曰國
家尊崇師道啓迪化源眷惟鄒魯之邦是日詩
書之國尼山在望靈宇增嚴朕登岱告成迴鑾

欵謁期清風之益振舉縉禮以有加式咨誨誘
之方更盡闡揚之旨宜以所賜太宗皇帝御製
御書與凡經書并正義釋文及器物等並置于
廟中書樓上收掌委本州長吏職官及本縣令
佐等同共檢校如有講說釋奠並須以時出納
勿令損汚此勅文仍仰刊之于石昭示無窮
又詔曰朕乃者封禪禪社昭列聖之鴻休崇德
報功廣百王之彛制洎言旋於闕里遂躬謁於
魯堂瞻河海之姿睟容穆若出泗水之上高風
灑然舉茂典之有加期斯文之益振由是懽恩
世胄併錫寵章祇事祠庭廣增其奉邑復念性
與天道德冠生民議茲玄聖之名與廣嚴師之
禮兼朕親爲製贊以表崇儒至于四科鉅賢並
起五等七十達者俱增列侯仍命案察分紀遺
烈式盡褒揚之旨庶資善誘之方宜令中書門
下樞密院三司使兩制丞郎待制閣館直館校
理分撰贊以聞

仁宗皇祐二年封毓聖侯敕曰元聖肇興誕自東
魯雖天之生德蓋云默定嶽之降神實應精禱
兗州泗水縣尼丘山崇岡秀阜雲雨所出儲不

祐于一商後孕全氣于孔族挺毓睿哲爲萬代
師當崇五等之封俾均四瀆之秩列于祀典以
來神像攸司奉書往申昭告宜特封毓聖侯

元

至元三十一年七月詔論中外百官吏人等孔子
之道垂憲萬世有國家者所當崇奉曲阜林廟
上郡大都諸路府州縣邑應設學校書院昭依
世祖皇帝聖旨禁約諸官員使臣軍馬毋得於
內安下或聚集問理詞訟褻瀆飲宴工役造作
收貯官物其瞻學地土產業及貢士庄諸人毋

得侵奪所出錢糧以供春秋二丁朔望祭祀及
師生廩膳貧寒老病之士爲衆所尊敬者月支
米糧優恤養贍廟宇損壞隨卽修完作養後進
嚴加訓誨講習道藝務要成材若德行文學超
出時輩者有司保舉肅政廉訪司體覆相同以
備選用據合行儒人事理照依已降聖旨

成宗大德十一年十二月詔曰蓋聞先孔子而聖
者非孔子無以明後孔子而聖者非孔子無以
法所以祖述堯舜憲章文武儀範百王師表萬
世朕纂承丕緒敬仰休風循治古之良規舉追

封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尚資神化祚我皇元

至順二年九月加封啓聖王詔曰闕里有家系出神明之胄尼山請禱天啓聖人之生聿觀人文敷求往哲維孔氏之有作集群聖之大成原道統則堯授舜傳至周文王論世家則契至湯下逮正考父其明德也遠矣故生知者出焉有闢必先克昌厥後如太極之生天地如鉅海之有

本游雲仍斷襲於上公之封考妣宜祔夫素王之爵於戲君子之道考而不謬建而不悖予以敦典而叙倫宗廟之禮愛其所親敬其所尊予以報功而崇德尚篤其慶以相斯文齊國公叔梁紇加封爲啓聖王魯國太夫人顏氏加封啓聖王太夫人

加封大成至聖文宣王夫人詔曰我國家惇典禮以彌文本閨門而成教乃瞻素王之廟尚虛元媿之封有其舉之斯爲盛矣大成至聖文宣王妻元官氏來嬪聖室垂裕世家籩豆出房自

流風於殷禮琴瑟在御存燕樂于魯堂功言邈
若於遺聞儀範儼乎其合德作爾禕衣之椽稱
其命鼎之名噫秩秩彛倫吾欲廣關雝鵲巢之
化皇皇文治天其興河圖鳳鳥之祥可持封大
成至聖文宣王夫人

高宗紹興二年四十九代孫孔玠襲封衍聖公誥
曰夫子踰於堯舜澤及萬世靡有所窮欽崇顧
報邦有彛典肆予命爾紹于世封惟欽惟恣則
無墜命

授四十九代孫孔莘夫廸功郎誥曰盛德必百
世祀歷觀自古聖賢之世惟夫子之後千餘歲
不絕所謂賢于於堯舜者邪六經之道帝王世
守之君臣父子所以不胥爲夷者皆天子之賜
也讀其書享其學而可不錄其苗裔乎今襲封
者言汝最長有司其如故事官之試以民事以
稱朕尊崇先聖之意焉

授孔行可廸功郎誥曰夫子之道與天地並有
國家者必紹厥封所以昭盛德之有後而示無
窮之報我朝典旣推其嫡以襲封又官其族屬
以廣其繼今有司以爾耒上則爾名最長焉錫

汝一官勉乃世業光昭令德以無負朕崇儒重道之意

授四十九代孫孔璨迪功郎誥曰朕於當代儒先有補斯文不廢其後矧先聖之裔尤當錄用者乎爾以的傳有司言狀宜有補授祿食仕途雖身之榮亦國之華也

封聖裔制誥

唐

玄宗開元二十七年八月封三十五代孫孔璿之爲文宣公制曰永惟聖道思闡儒風故尊崇先王所以弘至教褒獎後嗣所以美前烈褒聖孫孔璿之纂承膺哲克履中庸三命益欽敦素憑于相業百代必祀光寵祕於朝恩積慶之餘旣開土宇至德不朽宜傳帶礪可封文宣公兼除兗州長史遷都水使者食邑一千戶

宋

太宗太平興國三年四十四代孫孔宜遷贊善大夫襲封文宣公制曰朕以夫子之聖其道猶天矧彼裔孫宜其嗣襲况聞爾服勤素業砥礪宦常乃論善于東宮俾增榮於闕里勉遵家法以

荷國恩又詔曰素王之道百代所宗傳祚襲封
抑存舊典文宣王四十四代孫孔宜服勤有素
砥礪廉隅亟歷官職洽聞政績聖人之後世德
一不衰俾登朝倫以光儒曹可授太子右贊善大
夫襲封文宣公

太平興國八年答孔宜謝修廟進方物詔曰素王
之教歷代所宗當予治定之初特藏修崇之典
汝襲封闕里就列周行虔備貢輸慶茲輪奐省
聞嘉嘆不忘于懷

仁宗至道二年孔延世襲封文宣公制曰叔敖陰
德尚繼絕于楚邦藏孫立言猶有後于魯國豈
聖人之後可獨遠于陵廟乎許州長葛縣令孔
延世鍾裔孫之慮任文理之朝能敦素風甚有
政術宜任桑梓之地以奉蒸嘗之儀可特授曲
阜縣令襲封文宣公賜經書仍賜銀五十兩帛
五十四匹

至和二年改封文宣公爲衍聖公制曰孔子之後
以爵號褒顯世世不絕其來遠矣自漢元帝封
爲褒成君以奉其祀至平帝時改爲褒成侯始
追謚孔子爲褒成宣尼公褒成其國也宣尼其

謚也公侯其爵也後之子孫雖更改不一而不失其義至唐開元中始追謚孔子爲文宣而尊以王爵其嗣褒聖侯爲嗣文宣公孔子子孫去國名而襲謚號禮之失也蓋由于此比朕稽考前訓博采羣議皆謂宜去漢之舊革唐之失稽古正名於義爲得朕念先帝崇尚儒術親祠闕里而始加至聖之號務極尊顯之意肆朕纂臨繼奉先志不敢失墜而正其後裔嗣襲之號不其重歟宜改至聖文宣王四十六代孫宗愿爲衍聖公

徽宗崇寧三年復封四十八代孫孔端友爲衍聖公管勾祀事詔曰白書契以還爵于朝者多矣未有傳世四十有八而不絕者也惟當文宣王之後次當承襲宜錫文階并示寵渥往加恪慎務保厥榮

宣和三年勅宣義郎襲封衍聖公孔端友曰先聖古今之師也由百世之後等百世之王殆未有能違之者朕旣法其言尊其道舉以爲治猶以爲未也又錄其後裔褒大之爾宣聖之系效官東魯積有年矣通籍閨陞華芸閣以示崇

獎汝尚勉哉可特轉通

除直秘閣

紹興二十四年授五十代孫孔元龍迪功郎詔曰爾著書立言諸老所推許以其賢亦可官矣况世次之所當得與

封五十代孫孔搢爲衍聖公誥曰仲尼之道垂休萬世自生民以來未有盛於此者襲封奉祀宜及後昆以爾重厚深醇世系可考選共乃事是尊典常命以京秩畀以公主非特爲爾身榮實所以尊先聖也徃其懋哉可授又承奉郎襲封衍聖公

光宗紹熙四年授五十一代孫孔文遠襲封衍聖公誥曰孔子之後自漢以來世俾襲爵國家崇儒重道又過前代於是衍聖公之封爾於世次實當紹續其務恪恭以承祭祀

授五十二代孫孔萬春襲封衍聖公宋年誥曰無考朕聞盛德必百世祀而况詩書仁義之澤涵浸生民炳然至今者乎爾承休聖門端有傳序屬富次補仍緒世封恪共燠祭當勉家業東魯文獻於此有考焉不亦善乎

金

章宗明昌二年四月以五十一代孫孔元措襲封
衍聖公誥曰聖謨之大儀範百王德祚所傳垂
光千祀蓋立道以經世宜承家之有人文宣王
五十一代孫孔元措秀阜衍祥清洙流潤芝蘭
異直詩爲宗黨之英詩禮舊聞蚤服父兄之訓
語年雖妙齡德已成肆疏世爵之封乃煥身章
之數非獨增華于爾族固將振耀于斯文勉嗣
前修用光新命又超授中議大夫仍賜四品封
誥曰夫子既沒千八百年後人相承五十一世
自近古已公其禮顧階散如彼其卑必也正名
難於仍舊是以興百王之曠與峻五品之華資
茲以爾有成人之風繼將聖之後當余定格會
爾疏封噫廟貌存焉克謹歲時之祀家聲久矣
無忘詩禮之傳學有餘師善將終譽

元

世祖中統三年詔曰據孔氏顏孟之家皆聖賢之
後也自兵亂以來往往失學其爲庸鄙廢甚憫
焉可令楊唐教授務要嚴加訓誨精通經術以
繼聖賢之業



